

Mabillonio procuratae, constat. Legite, inquit in priori ad Rom. Eccl. cardinales, si placet, librum Petri Abælardi, quem dicit Theologæ; ad manum est enim, cum, sicut gloriatur, a pluribus lectitetur in curia: est ridete qualia ibi de sancta Trinitate dicantur, de genitura Filii et de processione Spiritus sancti et alia innumerata, catholicis prorsus auribus et mentibus dissueta. Legite et alium quem dicunt sententiarum ejus, nec non et illum qui inscribitur: Scito te ipsum, et animadverte quanta et ipsi silvescant segete sacrilegiorum atque errorum: quid sentiat de anima Christi, de persona Christi, de descensu Christi ad inferos, de sacramento altaris, de potestate ligandi atque solvendi, de originali peccato, de concupiscentia, de peccato delectationis, de peccato infirmitatis, de peccato ignorantiae, de opere peccati, de voluntate peccandi, etc. Ubi vides quid Bernardus, maxime in hoc Abælardi libro: Scito te ipsum, reprehenderit.

Clariss. et uherius Bernardus sententiam suam exponit in Capitulo Hæresum Petri Abælardi, quod Opusculum undecimum est in tomo II Operum S. Bernardi, ad quæ tamen in Admonitione prævia notat Mabillonius, ex capitulis errorum Abælardo imputatis quedam in vulgatis ejus operibus desiderari. Unde nonnulli, ait, occasionem arripiunt insimulandi Bernardum, quasi Abælardo falsos errores asinxerit et cum larvis atque umbris dimicaverit. At constat plerisque etiam in vulgatis scriptis errores deprehendi, ut suis locis ostendemus, et si qua amplius non existant, ea quondam in ipso Abælardo legisse Guillelmum S. Theoderici, Gansfridum, et abbatem illum anonymum, Abælardi quondam discipulum, qui et præceptoris sui doctrinam callebat, et verba ipsa resert, ut et Guillelmus, tum ex Apologia, tum ex Theologia Abælardi, quæ in editis non comparent. Et certe Abælardus ipse in libro secundo Commentarii super Epistolam ad Romanos pag. 554, quedam in Theologia sua tractanda reservat, de quibus nulla mentio est impressis, quæ sic desinunt: cetera desunt, ut appareat Theologiam in editis multilam esse. Itaque male omnino merentur de religione Christiana needum de Bernardo qui, ut Abælardum absolvant, Bernardum cæco, ut aiunt, zelo impulsu fuisse criminantur. Ita Mabillonius, Abælardi libro: Scito te ipsum, nondum in lucem protracto. Verum eo nunc a nobis e membraueo codice Emmeramensi, qui sexcentorum circiter annorum est, edito, tanta necessitas non est se in salvanda Bernardi fide torquendi. Capitula enim errorum Abælardo imputatorum, quæ in aliis ejusdem operibus desiderantur et mores spectant, totidem fere verbis in libro: Scito te ipsum, potissimum contineri vel capitulorum summaria insipienti patebit. Cæterum num adeo male Abælardus de peccato ignorantiae, de suggestione, delectatione et consensu, etc., docuerit, ut S. Bernardo risum fuit in Capitulo errorum eidem imputatorum XI et XIII aliis dijudicandum relinquimus. Certe passim in hodiernis scholis traditur inadvertiam militiam ac ignorantiam invincibilem a formalí peccato excusare, quo amplius forte Abælardus noluit. Sed quidquid denum Abælardus scriperit senseritque, illud omnino liquidum est eum hæreticum fuisse nunquam, ut cujus hæc verba in Apologia sint: Scripsi forte aliqua per errorem, quæ non oportuit; sed Deum testem et judicem in animam meam invoco, quia in his, de quibus accusor, nil per malitiam aut superbiam præsumpsi. Ad quæ verba Abælardi miramus Mabillonium, virum alias aquosum, hæc observasse: Esto itaque militiam atque etiam hæresim ab eo removere licet; at eriores saltē aliquos, vocum novarum studium, levitatem, forsitan etiam superbiam et contentionum prurigenem in eo dissimulare non licet. Sane si Abælardo Deum testem et judicem in animam suam invocanti, quia in his de quibus accusabatur nil per malitiam aut superbiam præsumperit, fidem non habemus, ecce tandem habebimus? Idem nuper advertit doctissimus Martenus tom. V Thesauri Novi Anecdota, in Observationibus præviis ad Theologiam Christianam, ubi si quid Abælardum excusare possit, illud præsertim esse existimat, quod scripta sua peritiorum ac prouinde ipsius Ecclesiæ judicio subiecisse videtur. Nam in libro tertio ita Petrum disserere testatur: Quidquid itaque de hac altissima philosophia disseremus, umbram non veritatem esse profitemur et quasi similitudinem quamdam, non rem. Quid rerum sit noverit Dominus; quid autem verisimile ac maxime philosophicis consentaneum rationibus, quibus impetratur, dicturum me arbitror. In quo quidem si culpis meis exigentibus a catholica, quod absit! exorbitavero intelligentia vel locutione, ignorat ille mihi qui ex intentione opera dijudicat, parato semper ad omniem satisfactionem de maledictis vel corrigendis et dolendis, cum quis fidelium vel virtutis rationis vel auctoritate Scripturæ correxerit. Quæ Abælardi verba certe alia omnia, quam obfirmatum in errore animum et pertinaciam, quæ sola hæreticum faciunt, significant. Neque tamen quisquam propterea existimet nos omnium errorum vitiorumque Petri defensionem aut purgationem hic voluisse instituere. Virtus Abælardi vel ex propria ejusdem Apologia certiora sunt, quam ut excusari aut tegi possint. Verum nec id dissimulandum est, eum ferventioris atq[ue] vivacioris ingenii errata monachum Cluniacensem Ord. S. Bened. factum, serua demum pœnitentia diluisse.

PETRI ABÆLARDI

ETHICÀ

SEU

LIBER DICTUS SCITO TE IPSUM.

(Ex coll. n.s. imperialis monasterii S. Emmerammi Ratisbon. ord. S. Ben. eruit R. D. P. Benedictus Bonetus, Benedictinus Mellicensis; edidit D. Bern. Pezios Thes. Anecd., III, II, 626.)

PROLOGUS.

Mores dicimus animi vitia vel virtutes quæ nos ad mala vel bona opera proros efficiunt. Sunt au-

A tem virtia seu bona non tantum animi, sed etiam corporis; ut debilitas corporis vel fortitudo quam vires appellamus; pigredo vel velocitas, claudicatio

vel rectitudo, cæcitas vel visio. Unde ad differentiam talium cum dicimus : *vitia*, præmisimus : *animi*. Hæc autem vitia, scilicet animi, contraria sunt virtutibus, ut *injustitia justitiae*, *ignavia constantiae*, *intemperatia temperantiae*.

CAP. I. De vitio animi quod ad mores pertinet.

Sunt autem animi quoque nonnulla vitia seu bona, quæ a moribus sejuncta sunt; nec vitam humanam virtuperio vel laude dignam efficiunt, ut hebetudo animi vel velocitas ingenii; obliviousum vel memorem esse, ignorantia vel scientia. Quæ quidem omnia cum æque reprobis ut bonis eveniant, nihil ad morum compositionem pertinent nec turpem vel honestam efficiunt vitam. Unde bene, cum superius præmissemus : *animi vitia*, ad exclusionem talium subjunximus : *quæ ad mala opera pronus efficiunt*, id est voluntatem inclinant ad aliquid, quod minime convenit fieri vel dimitti.

CAP. II. Quid distet inter peccatum et vitium inclinans ad malum?

Non est autem hujusmodi animi vitium idem quod peccatum, nec peccatum idem quod actio mala. Verbi gratia iracundum esse, hoc est pronum vel facilem a. iræ perturbationem, vitium est et mentem inclinat ad aliquid impetuoso et irrationaliter gerendum, quod minime convenit. Hoc autem vitium in anima est, ut videlicet sit ad irascendum, etiam cum non movetur ad iram : sicut claudatio, unde claudus dicitur homo, in ipso est quando etiam non ambulat claudicando, quia vitium adest etiam cum actio deest. Sic et multos ad luxuriam sicut ad iram natura ipsa vel complexio corporis pronus efficit ; nec tamen in ipso hoc peccant quia tales sunt, sed pugnæ materiam ex hoc habent, ut per temperantiae virtutem de se ipsis triumphantes coronam percipiant juxta illud Salomonis : *Melior est patiens viro forti, et qui dominatur animo suo expugnatore urbium* (*Prov. xvi, 32*). Non enim religio ab homine vinci, sed a vitio turpe existimat. Illud quippe bonorum quoque hominum est; in hoc a nobis declinamus. Hanc nobis victoriam commendans Apostolus, ait : *Non coronabitur quis, nisi legitime certaverit* (*II Tim. ii, 5*). *Certaverit*, inquam, non tam hominibus quam vitiis resistendo, ne nos videlicet in consensu pertrahant pravum : quæ, etsi homines cessent impugnare, nos non cessant, ut tanto periculosior eorum pugna sit quanto frequentior, et tanto Victoria clarior quanto difficilior. Homines vero quantumcunque prævaleant, nihil vitæ nostræ turpitudinis ingerunt, nisi cum more vitiorum et, quasi nobis in vicia conversis, turpi nos consensu subjiciunt. Illis corpori dominantibus, dum liber animus fuerit, nihil de vera libertate periclitatur, nihil obscenæ servitutis incurrimus. Non enim homini servire, sed vitio turpe est; nec corporalis servitus, sed vitiorum subjectio animam deturpat; quidquid enim bonis pariter et malis commune est nihil ad virtutem vel vitium referat.

A CAP. III. Quid sit animi vitium et quid propriis datur peccatum?

Vitium itaque est quo ad peccandum proni efficiunt, hoc est inclinamur ad consentiendum ei quod non convenit, ut illud scilicet faciamus aut dimittamus. Hunc vero consensum proprio peccatum nominamus ; hoc est culpam animæ, qua damnationem meretur vel apud Deum rea statuitur. Quid est enim iste consensus, nisi Dei contemptus et offensa ipsius? Non enim Deus ex damno, sed ex contemptu offendit potest. Ipse quippe est summa illa potestas quæ damno aliquo non minuitur, sed contemptum sui ulciscitur. Peccatum itaque nostrum contemptus Creatoris est et peccare est Creatorem contemnere, hoc est id nequaquam facere propter ipsum, quod credimus propter ipsum a nobis esse faciendum ; vel non dimittere propter ipsum quod credimus esse dimittendum. Cum itaque peccatum diffinimus abnegative, dicentes scilicet : *non facere*, vel *non dimittere quod convenit*, patenter ostendimus nullam esse substantiam peccati, quod in *Non esse* potius quam *esse* subsistat, velut si tenebras diffinientes dicamus : *absentiam lucis, ubi lux habuit esse*.

Sed fortassis inquires, quia et voluntas mali operis peccatum est quæ nos apud Deum reos constituit, sicut voluntas boni operis justos facit; ut quemadmodum virtus in bona voluntate, ita peccatum in mala voluntate consistat, nec in *non esse* tantum, verum etiam in *esse*, sicut et illa. Quemadmodum enim volendo facere quod Deo credimus placere ipsi placemus, ita volendo facere quod Deo credimus displicere, ipsi displicemus et ipsum offendere sive contemnere videmur.

Sed dico quia, si diligenter attendamus, looge aliter de hoc sentiendum est quam videatur. Cum enim nonnunquam peccemus absque omni mala voluntate, et cum ipsa mala voluntas refrenata, non extincta, palmam resistentibus pariat et materiam pugnæ et gloriæ coronam conseruat, non tan ipsa peccatum quam infirmitas quædam jam necessaria dici debet. Ecce enim aliquis est innocens, in quem crudelis dominus suus per furorem adeo commotus est, ut eum evaginato ense ad interimentum persequatur. Quem ille diu fugiens, et quantumcunque potest sui occisionem devitans, coactus tandem et nolens occidit eum, ne occidatur ab eo. Dicito mihi, quicunque es, quam malam voluntatem habuerit in hoc facto? Volens siquidem mortem effugere, volebat propriam vitam conservare. Sed nunquid hæc voluntas mala erat? Non, inquires, hæc arbitror; sed illa quam habuerit de occisione domini persequentis. Respondeo: Bene et argute dicas, si voluntatem posses assignare in eo quod asseris.

Sed, jam ut dictum est, nolens et coactus hoc fecit, quod quantum potuit vitam incolumem distulit, sciens quoque ex hac interfectione vitæ sibi periculum immirere. Quomodo ergo illud volunt-

tarie fecit quod eum ipso etiam vita sua periculo commisit?

Quod si respondeas ex voluntate id quoque esse factum, cum ex voluntate scilicet mortem evadendi, non dominum suum occidendi, constet in hoc eum esse inductum: nequaquam id refellimus; sed, ut jam dictum est, nequaquam voluntas ista tanquam mala est improbanda, per quam ille, ut dicas, mortem evadere, non dominum voluit occidere; et tamen deliquerit consentiendo, quamvis coactus timore mortis injustæ, interfectioni quam eum potius ferre quam inferre oportuit; gladium quippe accipit per se, non traditum sibi habuit a potestate; unde *Veritas: Omnis, inquit, qui acceperit gladium, gladio peribit* (*Math. xxvi, 52*); hoc est damnationem atque animæ suæ occasionem ex hac temeritate incurrit. Voluit itaque, ut dictum est, ille mortem evadere, non dominum occidere; sed quia in occasionem consensit, in quam non debuit, hic ejus in justus consensus qui occasionem præcessit peccatum fuit.

Quod si quis forte dicat: Quia voluit interficere dominum suum propter hoc ut mortem evaderet, non ideo simpliciter inferre potest *quia voluit eum occidere*; veluti si dicam alicui: Quia volo ut habeas cappam meam propter hoc ut des mihi quinque solidos, vel libenter eam pro pretio isto fieri tuam volo, non ideo concedo quod eam tuam esse velim. Sed et si quis in carcere constrictus velit filium suum ibi pro se ponere, ut redemptionem suam perquirat, nunquid ideo simpliciter concedimus quod filium suum in carcerem mittere velit, quod cum magnis lacrymis et cum multis geminitibus sustinere cogitur? Non utique talis, ut ita dicam, voluntas, quæ in magno dolore animi consistit, dicenda est *voluntas*, sed potius *passio*. Et tale est; quia hoc vult propter illud, tanquam si dicetur quia quod non vult tolerat, propter illud quod desiderat. Sic et infirmus uri, vel secari dicitur, ut sanetur, et martyres pati, ut ad Christum perveniant; Christus ipse, ut nos ejus passione salvemur. Non tamen ideo simpliciter concedere cogimur ut hoc velint; nusquam enim passio esse potest, nisi ubi contra voluntatem aliquid fit; nec quisquam in eo patitur, ubi suam implet voluntatem et quod fieri eum oblectat. Et certe Apostolus, qui ait: *Cupio (78) dissolvi, et esse cum Christo* (*Phil. i, 23*), id est ad hoc mori ut ad eum perveniam, ipse alibi commemorat: *Nolumus exscoliari, sed supervestiri, ut absorboatur mortale a vita* (*II Cor. v, 4*). Quam etiam sententiam a Domino dictam beatus Augustinus meminit, ubi Petro dixit: *Extendes manus tuas et alias te cinget, et ducet quo tu non vis* (*Joan. xxi, 18*). Qui etiam juxta infirmitatem humanæ naturæ assumptam Patri ait: *Si possibile est, transeat a me caliz iste, verum tamen non sicut ego volo, sed sicut tu* (*Math. xxvi, 39*). Magnam quippe mortis passio-

A nem anima ejus naturaliter formidabat, nec voluntarium ei esse poterat quod poenale sciebat. De quo cum alibi Scriptum sit: *Oblatus est, quia ipse voluit* (*Isa. lxi, 7*), aut secundum Divinitatis naturam accipiendum est, in cuius voluntate fuit illum assumptum hominem pati, aut *voluit dictum est pro disposuit*, juxta illud Psalmistæ: *Quæcunque volunt facit* (*Psal. cxiii, 3*). Constat itaque peccatum nonnunquam committi sine mala penitus voluntate, ut ex hoc liquidum sit quod peccatum est voluntatem non dici.

Equidem, inquires, ita est ubi coacti peccamus; sed non ita, ubi volentes: veluti si tale quid committere velimus, quod nequaquam debere a nobis committi scimus. Ibi quippe mala illa voluntas et B peccatum idem esse videtur: verbi gratia, videt aliquis mulierem et in concupiscentiam incidit et delectatione carnis mens ejus tangitur, ut ad turpidinem coitus accendatur. Hæc ergo voluntas et turpe desiderium quid aliud, inquis, est quam peccatum?

Respondeo: Quid si ista voluntas temperantiae virtute refrenetur nec tamen extinguitur, ad pugnam permaneat et ad certamen persistat nec deficit victa? (ubi enim pugna, si pugnandi desit materia? aut unde præmium grande, si non sit quod toleremus grave?) Cum certamen desuerit, non jam superest pugnare, sed præmium percipere; hic autem pugnando certamus, ut alibi certaminis triumphatores corona percipiamus. Ut vero pugna sit, hostem esse convenit qui resistat, non qui prorsus deficit. Hæc vero est nostra voluntas mala, de qua triumphamus, cum eam divina subjugamus, nec eam prorsus extinguimus, ut semper habeamus contra quam dismiceremus.

Quid enim magnum pro Deo facimus, si nihil nostræ voluntati adversum toleramus, sed magis quod volumus implemus? Quis etenim nobis grates habeat, si in eo quod pro ipso nos facere dicimus, voluntatem nostram impleamus? aut quid, inquires, apud Deum meremur ex eo quod volentes aut inviti agimus? Nihil certe respondeo: cum ipse animum potius quam actionem in remuneratione penset, nec quidquam ad meritum actio addat sive de bona, D sive de mala voluntate prodeat, sicut postmodum ostendemus. Cum vero voluntatem ejus uostre præponimus, ut illius potius quam nostram sequamur, magnum apud eum meritum obtinemus; juxta illam Veritatis perfectionem: Non veni facere voluntatem meam, sed ejus qui misit me (*Joan. vi, 38*). Ad quod et nos exhortans ait: Si quis venit ad me, et non odit patrem, et matrem..., adhuc autem et animam suam, non est me dignus (*Luc. xiv, 26*); hoc est, nisi suggestionibus eorum vel propriæ renuntiet voluntati, et præceptionibus meis se omnino subjiciat. Sicut ergo patrem odire, non perirem jubemur: ita et voluntatem nostram, ut non eam

(78) *Fulg. desiderium: habens, etc.*

seq*tamur*, non ut funditus eam destruamus. Qui enim ait : *Post concupiscentias tuas non eas* (*Eccli. xviii, 30*) ; et : *a voluntate tua avertere* (*ibid.*), præcepit nos concupiscentias nostras non implere, non penitus eis carere. Illud quippe vitiosum est, hoc autem infirmitati nostræ impossibile. Non itaque concupiscere mulierem, sed concupiscentia consentire peccatum est ; nec voluntas concubitus, sed voluntatis consensus danzabilis est.

Quod de luxuria diximus, hoc et de gula videamus. Transit aliquis juxta hortum alterius et conspectis delectabilibus fructibus in concupiscentiam eorum incidit nec tamen concupiscentia suæ consentit, ut inde aliquid furto vel rapina auferat, quanquam delectatione cibi in magnum desiderium mens ejus sit accensa. Ubi autem desiderium, ibi procul dubio voluntas consistit. Desiderat itaque fructus illius esum in quo delectationem esse non dubitat : ipsa quippe suæ infirmitatis natura compellitur id desiderare quod, inscio domino vel non permittente, non licet accipere. Desiderium ille reprimit, non extinguit; sed quia non trahitur ad consensum, non incurrit peccatum.

Quorsum autem ista ? Ut denique pateat in talibus ipsam quoque voluntatem vel desiderium faciendi quod non licet nequaquam dici peccatum, sed ipsum potius, ut diximus, consensum. Tunc vero consentimus ei quod non licet, cum nos ab ejus perpetratione nequaquam retrahimus : parati penitus, si daretur facultas, illud perficere. In hoc itaque proposito quisquis reperitur, reatus ad peccati augmentum quidquam addit, sed jam apud Deum æque reus est, qui ad hoc peragendum, quantum valet, nititur, et quantum in se est illud peragit, ac si, ut beatus Augustinus meminit, in opere quoque ipso esset deprehensus. Cum autem voluntas peccatum non sit, et nonnunquam inviti, ut diximus, peccata committamus, nonnulli tamen omne peccatum voluntarium esse dicunt : in quo et quamdam differentiam peccati a voluntate inventiunt, cum aliud voluntas, aliud voluntarium dicatur, hoc est aliud voluntas, aliud quod per voluntatem committitur.

At vero si peccatum dicimus quod proprie dici peccatum præfati sumus, hoc est *contemptum Dei sive consensum in eo quod credimus propter Deum dimittendum*, quomodo dicimus peccatum esse voluntarium, hoc est nos velle Deum contemnere, quod est peccare vel deteriores fieri, aut dignos damnatione effici ? Quamvis enim velimus facere id quod debere puniri scimus vel unde puniri digni simus, non tamen puniri volumus : in hoc ipso manifeste iniqui, quod hoc volumus facere quod est iniquum, non tamen poenæ quæ justa est subire volumus æquitatem. Displacet poena quæ justa est ; placet actio quæ est injusta. Sæpe etiam contingit ut cum velimus concubere cum ea quam scimus conjugatam, specie illius illiciti, nequaquam tamen adulterari cum ea vellemus, quam esse conjugatam

A nollemus. Multi e contrario sunt qui uxores potentum ad gloriam suam eo magis appetunt, quia talium uxores sunt, quam si essent innuptæ ; magis adulterari quam fornicari cupiunt, hoc est magis quam minus excedere. Sunt quos omnino piget in consensum concupiscentiae vel malam voluntatem trahi, et hoc ex infirmitate carnis velle coguntur quod nequaquam vellent velle. Quomodo ergo hic consensus quem habere non volumus voluntarius dicetur, ut secundum quosdam, velut dictum est, omne peccatum dicamus voluntarium, profecto non video, nisi voluntarium intelligamus ad exclusionem necessarii, cum videlicet nullum peccatum inevitabile sit. Vel voluntarium dicamus quod ex aliqua procedat voluntate. Nam, etsi ille qui coactus dominum suum occidit, non habuit voluntatem in occidente, id tamen ex aliqua commisit voluntate, cum videlicet mortem evadere vel differre vellet.

Sunt qui non mediocriter moveantur, cum audiant nos dicere operationem peccati nihil addere ad reatum vel ad damnationem apud Deum. Objiciunt quippe quod in actione peccati quædam delectatio sequatur, quæ peccatum augeat, ut in coitu vel esu illo quem diximus. Quod quidem non absurde dicent, si carnalem hujusmodi delectationem peccatum esse convincerent, nec tale quid committi posse nisi peccando. Quod profecto si recipient, utique nemini licet hanc carnis delectationem habere ; unde nec conjuges immunes sunt a peccato cum hac sibi carnali delectatione concessa permiscantur ; nec ille quoque qui esu delectabili sui fructus vescetur. Essent etiam in culpa quilibet infirmi qui, ad recreationem, ut de infirmitate convalescant, suavioribus cibis foventur, quos nequaquam sine delectatione sumunt vel, si sumerent, non prodescent. Denique et Dominus, ciborum quoque Creator sicut et corporum, extra culpam non esset, si tales eis sapores immitteret, qui necessario ad peccatum sui delectatione nescientes cogarent. Quomodo enim ad esum nostrum talia conderet, vel esum eorum concederet, si hæc nos edere sine peccato impossibile esset ? Quomodo etiam in eo quod est concessum dici potest committi peccatum ? Nam et illa quæ quandoque illicita fuerunt atque prohibita, si postmodum conceduntur et sic licita fiant, jam omnino absque peccato committuntur ; ut esus carnium suillarum et pleraque alia Judæis quondam interdicta, nunc vero nobis concessa. Cum itaque videmus Judæos quoque, ad Christum conversos, hujusmodi cibis, quos lex interdixerat, libere vesci, quomodo eos inculpabiles defendimus, nisi quia jam eis hoc a Deo esse concessum asserimus ? Si ergo in esu tali olim eis prohibito sed nunc concessa ipsa concessio peccatum excusat et contemptum Dei removet, quis quempiam in eo peccare dicat, quod ei licitum divina concessio fecit ? Si ergo concubitus cum uxore vel esus etiam delectabilis cibi a primo die nostræ creationis, quo in paradiiso sine peccato videbatur [vivebatur], nobis

B C D E

concessus est, quis nos in hoc peccati arguat, si concessionis metam non excedamus?

Sed rursum inquinunt quia conjugalis quidem coitus et delectabilis cibi esus ita concessus est, ut delectatio ipsa non concedatur, sed ut ista omnino sine delectatione agantur. Sed profecto, si ita est, sic fieri sunt concessa, quomodo ea nullatenus fieri possunt; nec rationabilis sicut permissio, quæ ita fieri concessit, quomodo eam certum est non posse fieri. Quia insuper ratione lex ad matrimonium olim cogebat, ut unusquisque semen relinquere in Israel; vel Apostolus conjuges debitum invicem solvere compellit, si haec nullatenus absque peccato fieri possunt? Quomodo in hoc debitum dicit, ubi jam necessario est peccatum? Aut quomodo quis ad hoc agendum est cogendus, in quo agendo Deum sit offensurus? Ex his, ut arbitror, liquidum est nullam naturalem carnis delectationem peccato ascribendam esse nec culpe tribuendum in eo eos delectari, quo cum perventum sit, delectationem necesse est sentiri: veluti si quis religiosum aliquem vinculis constrictum inter feminas jacere compellat, et ille mollitie lecti et circumstantium seminarum contactu in delectationem, non in consensem trahatur, quis hanc delectationem, quam natura facit necessariam, culpam appellare praesumat?

Quod si objicias, ut quibusdam videtur, delectationem carnis in concubitu quoque legitimo peccatum imputari; cum David dicat: *Ecce enim in iniquitatibus conceptus sum (Psal. L, 7)*; et Apostolus cum dixisset: *Iterum revertimini in id ipsum, etc. (I Cor. VII, 5)*, tandem adjungat: *hoc autem secundum indulgentiam dico, non secundum imperium (ibid., 6)*: magis nos auctoritate quam ratione vindicatur constringere, ut ipsam scilicet carnis delectationem peccatum fateamur; non enim in fornicatione, sed in matrimonio David conceptum suis est constat; nec indulgentia, hoc est venia, ut asserrunt, intercedit, ubi culpa penitus absistit. Quantum vero mihi videtur quod ait David in iniquitatibus vel peccatis suis se conceptum nec addidit quorum, generalem originalis peccati maledictionem induxit, qua videlicet unusquisque ex culpa proprietatum parentum damnationi subjicitur, juxta illud quod alibi scriptum est: *Nemo mundus a sorde, nec infans unius diei si sit vita ejus super terram*. Ut enim beatus meminit Hieronymus et manifesta ratio habet, quandiu anima infantili aetate constituta est, peccato caret. Si ergo a peccato munda est, quomodo sordibus peccati immunda est, nisi quia hoc de culpa, illud intelligendum est de poena? Culpam quippe non habet ex contemptu Dei, qui quidem quid agere debeat nondum ratione percipit; a sorde tamen peccati priorum parentum immunis non est, a qua jam poenam contrahit, et si non culpam, et sustinet in poena quod illi commiserunt in culpa. Sic cum ait David, in iniquitatibus, vel peccatis se esse conceptum, generali sententiae

A damnationis ex culpa proprietatum parentum se conspexit esse subjectum; nec tam ad proximos parentes quam ad priores haec delicta retorsit.

Quod vero Apostolus indulgentiam dixit, non ita, ut volunt, est accipiendo, ut indulgentiam permissionis, veniam dixerit peccati. Tale quippe est quod ait: secundum indulgentiam, non secundum imperium; ac si diceret: secundum permissionem, non secundum coactionem. Si enim volunt conjuges et pari consensu decreverint, abstinere possunt penitus ab usu carnis nec per imperium ad eum sunt cogendi. Quod si non decreverint, indulgentiam habent, hoc est: permissionem ut a vita perfectiore in usum declinent laxioris vitae. Non ergo Apostolus hoc loco indulgentiam intellexit veniam peccati, sed permissionem laxioris vitae pro evitazione fornicationis, ut inferior vita peccati magnitudinem præveniret et minor esset in meritis, ne major fieret in peccatis. Haec autem ad hoc induxi mus, ne quis volens forte omnem carnis delectationem esse peccatum, diceret ex actione ipsum peccatum augeri, cum quis videlicet consensum ipsum animi in exercitium duceret operationis, ut non solummodo consensu turpitudinis, verum etiam maculis contaminaretur actionis, tanquam si animam contaminare posset, quod exterioris in corpore fieret. Nihil ergo ad augmentum peccati pertinet qualiscunque operum executio et nihil animam, nisi quod ipsius est, coinquinat, hoc est consensus, quem solummodo peccatum esse diximus in voluntate eam præcedentem, vel actionem operis subsequentem. Etsi enim vellimus vel faciamus quod non convenit, non ideo tamen peccamus, cum haec frequenter sine peccato contingant. Sicut e converso consensus sine istis, sicut jam ex parte monstravimus: de voluntate quidem sine consensu in eo, qui incidit in concupiscentiam visæ mulieris, sive alieni fructus, nec tamen ad consensum pertractus est; de consensu vero malo sine mala concupiscentia, in illo, qui invitus dominum suum interficit.

De his autem quæ fieri non debent, quam sepe absque peccato fiant, cum per vim scilicet, aut ignorantiam committantur, neminem latere arbitrator: veluti si quæ vim passa cum viro alterius concubuerit; vel aliquis quoquo modo deceptus cum ea dormierit, quam uxorem putavit; vel eum per errorem occiderit, quem a se tanquam a judice occidendum credidit. Non est itaque peccatum uxorem alterius concupiscere vel cum ea concubere, sed magis huic concupiscentiae vel actioni consentire, quem profecto consensum concupiscentiae lex concupiscentiam vocat, cum ait: *Non concupiscere (Deut. V, 21)*: non enim concupiscere, quod vitare non possumus vel in quo, ut dictum est, non peccamus, prohiberi debuit, sed assentire illi. Sic et illud intelligendum est quod ait Dominus: *Qui viderit mulierem ad concupiscentiam eam (Math. V, 28)*; hoc est, qui viderit sic, ut in con-

eupiscentia consensum incidat, *jam mœchatus est in corde suo* (*Matth. v. 28*), etsi non mœchatus sit in opere; hoc est, *jam peccati reatum habet*, etsi adhuc effectu caret.

Etsi diligenter consideremus, ubiunque opera sub præcepto vel prohibitione concludi videntur, magis hæc ad voluntatem vel consensum operum quam ad ipsa opera referenda sunt: alioquin, nihil quod ad meritum pertineat, sub præcepto ponetur; et tanto minus præceptione sunt digna, quanto minus in nostra potestate sunt constituta. Multa quippe sunt, a quibus operari prohibemur, voluntatem vero semper et consensum in nostro habemus arbitrio. Ecce Dominus ait: *Non occides*. *Non falsum testimonium dices* (*Deut. v. 17, 20*). Quæ si de operatione tantum, ut verba sonant, accipiamus, nequaquam reatus interdicitur nec culpa sic prohibetur, sed actio culpæ. Non enim hominem occidere peccatum est, nec concubere cum aliena uxore, quæ nonnunquam absque peccato committi possunt; neque enim ille, qui falsum testimonium vult dicere vel etiam in dicendo consentit, dummodo illud non dicat quacunque de causa reticens, reus legis efficitur, si prohibitio bujusmodi de opere, sicut verba sonant, accipiatur. Non enim dictum est ut non velimus falsum testimonium dicere vel ne in dicendo consentiamus, sed solummodo ne dicamus. Aut cum lex prohibet ne sorores nostras ducamus vel eis permisceamur, nemo qui hoc præceptum servare possit, cum nemo sorores suas recognoscere queat: nemo, inquam, si de actu potius quam de consensu prohibitio fiat. Cum itaque accidit ut quis per ignorantiam ducat sororem suam, nunquid transgressor præcepti est quia facit quod facere lex prohibuit? Non est, inquit, transgressor, quia transgressioni non consensit in eo quod ignoranter egit. Sicut ergo transgressor non est dicendus, qui facit quod prohibetur, sed qui consentit in hoc quod constat esse prohibitum: ita nec prohibitio de opere, sed de consensu est accipienda, ut videlicet cum dicitur: *Ne facias hoc vel illud*, tale sit: *Ne consentias in hoc, vel illo faciendo*; ac si dicatur: *Ne scienter hoc præsumas*. Quod et beatus diligenter considerans Augustinus omne peccatum vel prohibitionem ad charitatem, seu cupiditatem potius, quam ad opera reducens ait: *Nihil præcipit lex, nisi charitatem et nihil prohibet, nisi cupiditatem*. Unde et Apostolus: *Omnis lex, inquit, in uno sermone completur: Diliges proximum tuum sicut te ipsum* (*Rom. xiii. 8, 10*). Et rursum: *Plenitudo legis est dilectio* (*ibid.*). Nihil quippe ad meritum refert utrum eleemosynam indigenti tribuas et te paratum tribueris charitas faciat; et præsto sit voluntas, cum desit facultas; nec in te remaneat facere quod potes, quoquaque præpedialis casu. Constat quippe opera quæ fieri convenit aut minime aque a bonis sicut a malis hominibus geri, quos intentio sola separat. In codem quippe facto, ut prædictus doctor meminit, in quo videmus

A Deum Patrem, et Dominum Jesum Christum, vide-mus et Judam proditorem. Facta quippe est a Deo Patre traditio Filii, facta est et a Filio; facta est et a proditore illo: cum et *Pater Filium tradidit*, et *Filius se ipsum* (*Rom. viii. 32; Gal. ii. 21*), ut Apostolus meminist; et Judas Magistrum. Fecit ergo proditor quod et Deus; sed nunquid ille bene fecit? Nam etsi bonum, non utique bene vel quod ei prodesse debuerit. Non enim quæ sunt, sed quo animo fiant pensat Deus; nec in opere, sed in intentione meritum operantis, vel laus consistit. Sæpe quippe idem a diversis agitur: per justitiam unius et per nequitiam alterius; ut si unum reum duo suspendant, ille quidem zelo justitiae, hic antiquæ odio inimicitiae; et cum sit suspensionis eadem actio, B et utique [uterque] quod bonum est fieri et quod justitia exigit agant, per diversitatem tamen intentionis idem a diversis fit, ab uno male, ab altero bene.

Quis denique ipsum diabolum nihil facere ignoret, nisi quod a Deo facere permittitur, cum vel iniquum punit pro meritis; vel, ad purgationem vel exemplum patientiae, justum aliquem permittitur affligere? Sed quia id quod agere eum Deus permittit, nequitia sua stimulante agit, sic potestas ejus bona dicitur vel etiam justa, ut voluntas ejus semper sit injusta. Hanc enim a Deo accipit, illam a se habet. Quis etiam electorum, in his quæ ad opera pertinent, hypocritis potest adæquari? Quis tanta sustinet vel agit amore Dei, quanta illi cupiditate humanæ laudis? Quis denique nesciat nonnunquam ea quæ Deus prohibet fieri, recte geri vel esse facienda: sicut et contrario nonnulla quandoque præcipit, quæ tamen fieri minime convenit? Ecce enim nonnulla novimus ejus miracula, quibus cum insurmitates curaverit, revelari prohibuit, ad exemplum scilicet humilitatis, ne quis forte de gratia sibi collata simili gloriam appetere. Nec tamen minus illi qui beneficia illa suscepserant, publicare illa censesabant, ad honorum scilicet ejus, qui et illa fecerat et revelari prohibuerat, de qualibus scriptum est: *Quanto eis præcipiebat ne dicerent, tanto plus prædicabant*, etc. Nunquid tales reos transgressionis iudicabis, qui contra præceptum quod acceperant egerunt atque hoc etiam scienter? Quis eos excuset a transgressione, nisi quia nihil egerunt per contemptum præcipientis, quod ad honorem ipsius facere decreverunt? Dic, obsecro, si præcepit Christus quod præcipiendum non fuit, aut si illi dimiserunt quod tenendum fuit? Fuit bonum præcipi, quod non fuit bonum fieri. Utique et in Abraham accusabis Dominum, cui primum præcepit de immolando filio, quod postmodum ipse inhibuit. Nunquid non bene præcepit Deus id fieri quod non erat bonum fieri? Si enim bonum, quomodo postea prohibutum? Si autem idem et bonum fuit præcipi et bonum prohiberi (nec enim quidquam absque rationabili causa Deus permittit, ncdum [*Cod. necdum*] facere concepit) videtis quia sola intentio præcepti,

non actio facti Deum excusat, cum id bene præcepit, quod non est bonum fieri. Non enim Deus ad hoc intendebat vel agi præcipiebat ut Abraham filium immolare; sed ut ex hoc maxime obedientia ejus, et constantia fidei, vel amoris in eum probaretur et in exemplo nobis relinqueretur. Hoc quippe patenter et Dominus ipse postmodum profiteret, cum ait: *Nunc cognovi quod timeas Dominum* (*Gen: xxii, 12*); ac si aperte diceret: Ad hoc istud tibi præcepi, ad quod te paratum exhibuisti, ut ab aliis facerem cognosci, quod ante sæcula de te ipse cognoveram. Recta igitur hæc intentio Dei fuit in facto, quod rectum non fuit; et sic recta prohibitio ejus in illis quæ diximus quæ ad hoc prohibuit, non ut prohibitio teneretur, sed ut vitandæ inanis gloriæ nobis infirmis exempla darentur. Præcepit itaque Deus quod fieri bonum non fuit; sicut et contrario prohibuit quod fieri bonum fuit. Et sicut ibi excusat eum intentio, ita et hic eos qui præceptum opere non impleverunt. Sciebant quippe non ob hoc eum præcepisse, ut teneretur, sed ut prædictum exemplum præponcretur. Salva itaque voluntate jubentis, non eum contempserunt, cujus voluntati se non esse contrarios intellexerunt.

Si ergo opera magis quam intentionem pensemus, videbimus nonnunquam contra præceptum Dei non solum velle fieri, verum etiam fieri aliquid et hoc scienter, sine ullo reatu peccati; nec malam voluntatem vel actionem ideo esse dicendam, quia præceptum Dei non servat in opere, cum a voluntate præcipientis non discrepat ejus intentio, cui præceptio sit. Sic enim intentio jubentis excusat ipsum, qui præcipit fieri quod tamen minime convenit fieri; ita et eum cui sit præceptio excusat charitatis intentio.

Ut ergo brevi conclusione supra dicta colligam, quatuor sunt quæ præmisimus, ut ab invicem ipsa diligenter distingueremus: vitium scilicet animi, quod ad peccandum pronos efficit; ac postmodum ipsum peccatum, quod in consensu mali, vel contemptu Dei statuimus; deinde mali voluntatem malique operationem. Sicut autem non idem est velle, quod voluntatem implere, ita non idem est peccare, quod peccatum perficere. Illud quippe de consensu animi quo peccamus, hoc de effectu operationis est accipendum, cum videlicet illud in quo prius consensimus, opere implemus. Cum ergo peccatum vel tentationem tribus modis dicimus peragi, suggestione scilicet, delectatione, consensu, ita est intelligendum: quod ad operationem peccati per hæc tria frequenter deducimur, sicut in primis contigit parentibus. Persuasio quippe diaboli præcessit, cum ex gusto vetitæ arboris immortalitatem promisit; delectatio successit, cum mulier videoe lignum pulchrum et ipsum intelligens suave ad vescendum, in concupiscentiam ejus exarsit, cibi voluptate quam credebat correpta. Quæ cum reprimere concupiscentiam deberet, ut præceptum servaret, consentiendo in peccatum tracta est. Quod etiam pec-

A catum cum per poenitentiam deberet corrigere, ut veniam mereretur, ipsum denique consummavit in opere; et ita tribus gradibus ad perpetrandum peccatum incessit. Sic et nos frequenter non ad peccandum, sed ad peccati perpetrationem, iisdem passionibus pervenimus, suggestione scilicet, hoc est, exhortatione aliquis non exterius incitantis ad aliquid agendum, quod non convenit. Quod quidem agere si delectabile neverimus, ante ipsum etiam factum ipsius facti delectatione mens nostra corrigitur et in ipsa cogitatione per delectationem tenemur. Cui videlicet delectationi dum assentimus per consensum, peccamus. His tandem tribus ad operationem peccati pervenimus.

B Sunt, qui suggestionem carnis etiamsi persona suggesterens desit, comprehendi nomine suggestionis velint, veluti si quis, visa muliere, in concupiscentiam ejus incidat. Sed hæc profecto suggestio nihil aliud quam delectatio videtur esse dicenda; quam quidem delectationem quasi necessariam factam et cæteras hujusmodi, quas non peccatum esse supra meminimus, humanam tentationem Apostolus vocat cum ait: *Tentatio vos non apprehendat nisi humana. Fidelis autem Deus, qui non patietur vos tentari supra id quod potestis; sed faciet cum tentatione etiam proventum ut possitis sustinere* (*I Cor. x, 13*). Tentatio autem generaliter dicitur quæcumque inclinatio animi ad aliquid agendum quod non convenit, sive illa voluntas sit sive consensus. Humana vero tentatio dicitur, sine qua jam humana infirmitas vix aut nunquam subsistere potest, ut concupiscentia carnalis, vel delectabilis cibi desiderium, a quibus se liberari postulabat qui dicebat: *De necessitatibus meis erue me, Domine* (*Psal. xxiv, 17*); hoc est, de his temptationibus concupiscentiarum, quæ quasi naturales ac necessariæ jam factæ sunt, ne ad consensum pertrahant, vel vita ista, plena temptationibus, finita prorsus eis caream. Quod ergo ait Apostolus: *Tentatio vos non apprehendat nisi humana, consimilis sententia est ac si diceret: Si inclinatur animus ex delectatione quæ est, ut diximus, humana tentatio, non usque ad consensum pertrahat, in quo peccatum consistit. Quod quasi aliquis quereret, qua nostra virtute concupiscentiis istis possemus resistere?* *Fidelis,* inquit, *Deus qui non patietur vos tentari.* Tanquam si diceret: De ipso potius est confidendum, quam de nobis præsumendum, qui, nobis auxilium promittens, in omnibus verax est promissis, quod est eum fidem esse, ut ei scilicet de omnibus adhibenda sit fides. Tunc vero nos non patitur tentari supra id quod possumus, cum per misericordiam suam ita hanc tentationem humanam temperat, ut non plus ad peccatum premat quam perferre possumus, ei videlicet resistendo. Tunc autem insuper hanc ipsam temptationem nobis convertit ad commodum, dum per eam sic nos exercet, ut deinceps cum occurrerit, minus gravare possit; et jam minus impetum hostis timeamus, de quo jam trium-

phavimus, et perferre novimus. Omnis quippe magna, quam nondum experti sumus, gravius sustinemus (79), et amplius fornidamus (80). Cum vero in consuetudinem victoribus venerit, pariter virtus ejus et metus evanescit.

CAP. IV. *De suggestionibus dæmonum.*

Sunt autem suggestiones non solum hominum, sed et dæmonum; quia et isti nonnunquam ad peccatum nos incitant non tam verbis quam factis. Periti quippe naturæ rerum tam ingenii subtilitate quam longa experientia (unde et dæmones, hoc est *scientes* sunt appellati,) noverunt vires rerum naturales, unde ad libidinem vel ad cæteros impetus humana infirmitas facile possit commoveri. Sic et in languorem, Deq permittente, nonnunquam aliquos mittunt ac postmodum supplicantibus sibi remedia conferunt et frequenter cum cessant laedere, curare creduntur. Denique in Ægypto multa contra Moysen mirabiliter operari per magos sunt permissi, ac quidem, naturali vi rerum quam noverant, non tam eorum quæ faciebant creatores dicendi quam compositores: veluti si quis juxta documentum Virgilii tunsa carne lauri apes inde fieri laborando efficeret (81), non tam apum creator quam naturæ præparator dicendus esset. Ex hac itaque rerum peritia quam habent in earum naturis dæmones, nos in libidinem vel cæteras animi passiones commovent, quacunque arte nobis ignorantibus eas admovendo, sive in gustu, sive in stratu eas ponendo, vel quolibet modo eas interius vel exterius collocando. Multæ quippe sunt in herbis vel seminibus, vel tam arborum, quam lapidum naturis vires ad commovendos vel pacandos animos nostros aptæ, quas qui diligenter nossent, hoc agere facile possent.

CAP. V. *Cur opera peccati magis quam ipsum puniatur?*

Sunt etiam qui non mediocriter moventur, cum audiunt nos dicere, opus peccati non proprie peccatum dici, vel quidquam non addere ad peccati augmentum; cur gravior satisfactio poenitentibus injungatur de operis effectu, quam de culpæ reatu. Quibus quidem hoc primum respondeo, cur non præcipue mirentur pro eo quod nonnunquam magna satisfactionis instituitur pœna, ubi nulla intercesserit culpa; et eos quandoque punire debeamus, quos innocentes scimus? Ecce enim pauper aliqua mulier infantulum habet lactentem, nec tantum indumentorum habet, ut et parvulo in eunis et sibi sufficere possit. Miseratione itaque infantuli commota eum sibi apponit, ut propriis insuper soveat pannis et tandem infirmitate ejus vi naturæ superata opprimere cogitur, quem amore summo amplectitur: *Habe*, inquit, Augustinus, *charitatem et fac quidquid vis*. Quæ tamen pro satisfactione cum

(79) Ita utroque loco Cod.

(80) Vide supra.

A ad episcopum venerit, gravis ei pœna injungitur non pro culpa quam commiserit, sed ut ipsa deinceps vel ceteræ feminæ in talibus providendis cautores reddantur. Nonnunquam etiam contingit aliquem ab inimicis suis apud judicem accusari et tale quid illi imponi, unde illum innocentem esse judex cognoscit. Quia tamen illi instant et audiuntiam in judicio postulant, statuto die causam ingrediuntur, testes proferunt licet falsos ad eum quem accusant, convincendum; quos tamen testes cum nequaquam judex manifestis de causis refellere possit, eos suscipere lege compellitur; et eorum probatione suscepta punire innocentem debet, qui puniri non debet. Itaque punire debet, licet non meruerit, cum tamen lege præcipiente hoc juste judex peragit. Ex his itaque liquet nonnunquam pœnam rationabiliter injungi ei, in quo nulla culpa præcessit. Quid igitur mirum si ubi culpa præcesserit, operatio subsecuta pœnam augeat apud homines in hac vita, non apud Deum in futura? Non enim homines de occultis, sed de manifestis judicant, nec tam culpæ reatum quam operis pensant effectum. Deus vero solus, qui non tam quæ sunt quam quo animo sunt attendit, veraciter in intentione nostra reatum pensat et vero judicio culpam examinat: unde et *probator cordis et renum* (Jer. xx, 12) dicitur, et in *abscondito videre* (Matth. vi, 4). Ibi enim maxime videt, ubi nemo videt; quia in puniendo peccatum non opus attendit, sed animum; sicut nos e converso non animum, quem non videmus, sed opus quod novimus. Unde sæpe per errorem, vel per legis, ut diximus, coactionem, innocentes punimus, vel noxios absolvimus. *Probator et cognitor cordis et renum* dicitur Deus; hoc est, quarumlibet intentionum ex affectione animæ, vel infirmitate, seu delectatione carnis provenientium.

CAP. VI. *De peccatis spiritualibus vel carnalibus.*

Cum enim omnia peccata sint animæ tantum, non carnis (ibi quippe culpa et contemptus Dei esse potest, ubi ejus notitia et ratio consistere habet) quædam tamen peccata spiritualia, quædam carnalia dicuntur, hoc est, quædam ex vitiis animæ, quædam ex infirmitate carnis provenientia. Et quamvis concupiscentia solius sit animæ, sicut et voluntas (non enim concupiscere vel desiderare aliquid nisi volendo possumus), concupiscentia tamen carnis, sicut et concupiscentia spiritus dicitur: *Caro enim, ait Apostolus, concupiscit adversus spiritum, et spiritus adversus carnem* (Gal. v, 7); hoc est, ex delectatione quam habet in carne, quædam appetit, quæ tamen judicio rationis refutat, vel appetenda censet.

CAP. VII. *Cur Deus datur inspector cordis et renum?*

Juxta igitur hæc duo, concupiscentiam carnis et concupiscentiam animæ, quæ præmisimus, proba-

(81) Georg., lib. iv, v. 310.

cor cordis et renum dictus est Deus, hoc est, inspec-
tor intentionum vel consensuum inde provenien-
tium. Nos vero qui hoc discutere ac dijudicare
non valemus, ad opera maxima judicium nostrum
convertimus, nec tam culpas, quam opera puni-
mus, nec in aliquo tam quod ejus animæ nocet,
quam quod aliis uocere possit vindicare studemus,
ut magis publica præveniamus damna, quam sin-
gularia corrigamus, juxta quod et Dominus Petro
ait : *Si peccaverit in te frater tuus, corrige illum in-
ter te et ipsum solum* (*Matth. xviii, 15*). Quid est :
peccaverit in te, quasi non in alium, ut magis in-
jurias nobis, quam aliis illatas corrigere vel vindi-
care debeamus? Absit. *Si peccaverit in te*, dixit, cum
manifeste agit unde te per exemplum corrumpere
possit. Quod si enim in se tantum peccat, cum
culpa ejus occulta eum solum reum constituit, non
ad reatum alios quantum in se est per exemplum
trahit. Eisi enim desunt, qui malam ejus actionem
imitentur, vel etiam cognoverint, actio tamen ipsa
magis quam animi culpa castiganda est apud homi-
nes, *quia plus offensæ contrahere potuit*, et perni-
ciosius per exemplum fieri, quam culpa latens ani-
mi. Omne namque quod in communem perniciem,
vel in publicum redundare potest incommodum,
castigatione majori est puniendum, et quod con-
trahit majorem offensam, graviorem inter nos pro-
meretur poenam, et majus hominum scandalum, ma-
jus inter homines incurrit supplicium, etsi levior
præcessit culpa. Ponamus enim aliquem coitu suo
mulierem aliquam corrupisse in ecclesia : quod
cum ad aures populi delatum fuerit, non tantum
de violatione feminæ, ac veri templi Dei, quantum
de infractione corporalis templi commoventur; cum
tamen gravius sit in mulierem, quam in parietes
præsumere, et homini quam loco injuriam inferre.
Et incendia domorum majori poena vindicamus,
quam in peracta fornicatione, cum longe apud
Deum hæc illis habentur graviora.

Et hæc quidem non tam justitiæ debito, quam
dispensationis aguntur temperamento, ut, quemad-
modum diximus, publica præveniendo damnna com-
muni consulamus utilitati. Sæpe igitur minima pec-
cata majoribus poenis vindicamus, non tam æqui-
tate justitiæ attendentes quæ culpa præcesserit, D
quam discretione providentiæ cogitantes quanta
linc contingere possit incommoditas, si leviter puni-
natur. Culpas itaque animi divino reservantes ju-
dicio, effecta earum, de quibus iudicare habemus,
prosequimur nostro, dispensationem in talibus,
hoc est, prudentiæ quam diximus rationem magis
quam æquitatis attendentes puritatem. Deus vero
unius cujusque poenam secundum culpe quantita-
tem disponit, et quicunque ipsum æqualiter con-
temnunt, æquali postmodum poena puniuntur cu-
juscunque conditionis aut professionis sint. Si
enim monachus et laicus in consensum fornicatio-
nis pariter veniant, et mens quoque laici in tantum
sit accensa, ut neque ipse, si monachus esset, pro-

A reverentia Dei ab ista turpitudine desisteret, cam-
dem quam monachus poenam meretur. Sic et de
illis sentiendum est, quorum alter manifeste pec-
cans multos scandalizat, ac per exemplum corrumpit; alter vero cum occulte peccet, soli sibi nocet.
Si enim qui occulte peccet, in eodem, quo ille, pro-
posito et pari contemptu Dei existit, ut quod alios
non corrumpit, fortuitu magis eveniat, quam ipse
propter Deum dimittat, qui nec sibi ipsi propter
Deum temperat, profecto pari reatu apud Deum
constringitur. Solum quippe animum in remunera-
tione boni vel mali, non effecta operum Deus atten-
dit, ne quid de culpa vel bona voluntate nostra
proveniat, pensat, sed ipsum animum in proposito
suæ intentionis, non in effectu exterioris operis di-
judicat. Opera quippe, quæ, ut prædictimus, æque
reprobis ut electis communia sunt, omniaque in se
indifferentia, nec nisi pro intentione agentis bona
vel mala dicenda sunt, non videlicet quia bonum
vel malum sit ea fieri, sed quia bene vel male fiunt,
hoc est, ea intentione qua convenit fieri, aut mi-
nimue. Nam, ut beatus meminit Augustinus, ipsum
malum esse, bonum est, cum eo quoque bene uta-
tur Deus, nec aliter ipsum esse permittat, cum ta-
men ipsum nequaquam sit bonum. Cum itaque
dicimus intentionem hominis bonam, et opus illius
bonum, duo quidem distinguimus, intentionem
scilicet ac opus; unam tamen bonitatem intentionis;
veluti si dicamus bonum hominem, et filium
boni hominis, duos quidem homines, non duas bo-
nitates figuramus. Sicut ergo homo bonus ex pro-
pria bonitate dicitur, filius autem boni hominis
cum dicitur, nihil in se boni habere, ex hoc mon-
stratur : ita cujusque intentio bona in se vocatur,
opus vero bonum non ex se appellatur, quod ex
bona procedat intentione. Una itaque est bonitas,
unde tam intentio quam operatio bona dicitur, sic-
ut una est bonitas, ex qua bonus homo et filius
hominis boni, appellatur, vel una bonitas, ex qua
bonus homo et bona hominis voluntas dicitur.

Qui ergo solent objicere operationem quoque in-
tentionis remuneratione dignam esse, vel ad aliquod
remunerationis augmentum proflicere, attendant
quod nugatoria eorum sit objectio. Duo, inquit,
bona sunt intentio bona, et bonæ intentionis effe-
ctus; et bonum bono adjunctum plus aliquid valere
quam singula debet.

Quibus respondeo, quod si ponamus plus illud
totum valere quam singula; nunquid ideo majori
remuneratione dignum cogimur concedere? Non
utique. Multa quippe sunt tam animata quam ina-
nimata, quorum multitudo ad plura utilis est, quam
unumquodque in ea multitudine comprehensum,
quibus tamen omnibus nulla prorsus remuneratio
debitur. Ecce enim bos bovi vel equo adjunctus,
sive lignum ligno, vel ferro, res quidem bonæ sunt,
et plus eorum multitudo, quam singula valet, cum
tamen nihil omnino remunerationis amplius ha-
beat.

Revera, inquies, ita est; quia non sunt talia, quæ mereri possint, cum ratione careant. Sed nunquid opus nostrum rationem habet, ut mereri possit? Nequaquam, inquies; sed tamen mereri opus dicitur, quia nos mereri facit, hoc est dignos remuneratione, vel saltem majore. Sed hoc profecto supra negavimus, et cur negandum sit ea extra quæ diximus, accipe. Sunt duo in eodem proposito ædificandi domos pauperum, alter devotionis suæ effectum implet, alter vero pecunia, quam præparaverat, sibi violenter ablata, quod proposuit, consummare non permittitur, nulla sui culpa interveniente, sed sola eum violentia præpediente. Nunquid ejus meritum id quod exterius est actum minuere potuit apud Deum, aut malitia alterius eum minus acceptabilem Deo facere potuit, qui, quantumcunque potuit, pro Deo fecit? alioquin pecuniae magnitudo unumquemque meliorem ac digniorem facere posset, si videlicet ad meritum, vel augmentum meriti proficere ipsa posset, et quo diiores homines essent, meliores fieri possent, cum ipsi ex copia divitiorum devotioni suæ plus possent in operibus addere. Quod quidem existimare, ut opes scilicet ad veram beatitudinem, vel ad animæ dignitatem quidquam valeant conferre, vel de meritis pauperum quidquam auferre, summa est insania. Si autem animam meliorem efficere non potest possessio rerum, utique nec eam Deo chariorem facere potest, nec in beatitudine meriti quidquam obtinere.

CAP. VIII. *De remuneratione operum exteriorum.*

Nec tamen negamus in hac vita bonis istis operibus vel malis aliquid tribui, ut ex præsenti retributione in præmio vel pena amplius ad bona incitemur, vel a malis retrahamur; et de aliis alii exempla sumant in faciendis quæ convenient, vel cavendis, quæ non convenient.

CAP. IX. *Quod Deus et homo in Christo uniti non sit melius aliquid quam solus Deus.*

Denique ut ad premissa redeamus, ubi videlicet dictum est, quia bonum bono additum quiddam melius efficit quam unumquodque eorum per se sit; vide ne illuc usque ducaris, ut Christum, id est Deum et hominem sibi invicem in persona unitos melius quiddam dicas quam ipsa Christi divinitas vel humanitas sit, hoc est ipse Deus homini unitus vel ipse homo a Deo assumptus. Constat quippe in Christo tam assumptum hominem, quam Deum assumentem esse bonum, et utramque substantiam non nisi bonam intelligi posse: sicut et in singulis hominibus tam corporea quam incorporea substantia bona est, licet ad dignitatem vel meritum animæ bonitas corporis nihil referat. At vero quis totum id, quod Christus dicitur, hoc est simul Deum et hominem, vel quamcunque rerum multitudinem Deo præferre audebit tanquam eo melius aliquid esse possit, qui et summum bonum est, et ab ipso quidquid boni habent, accipiunt omnia? Quamvis enim ad aliquid agendum nonnulla ita necessaria videantur, ut non id facere Deus sine illis possit.

A tanquam quibusdam adminiculis vel primordialibus causis, nihil tamen, quantacunque sit rerum magnitudo, Deo melius dici potest. Etsi enim bonarum rerum numerus constat, ut bonitas in pluribus sit, non ideo bonitatem majorem esse contingit; veluti si scientia in pluribus abundet, aut scientiarum numerus crescat, non ideo scientiam cuiusque crescere necesse est, ut major scilicet fiat quam prius. Sic et cum in se Deus bonus sit, et innumerabilia creet, quæ nec esse, nec bona esse nisi per illum habeant, bonitas per eum in pluribus est, ut major sit numerus bonarum rerum, nulla tamen bonitas ejus bonitati præferri vel æquari potest. Bonitas quidem in homine, et bonitas in Deo est, et cum diversæ sint substantiæ vel naturæ quibus bonitas inest, nullius tamen rei bonitas divinæ præferri vel æquari potest; ac per hoc nihil melius, hoc est, majus bonum quam Deus, vel æque bonum dicendum est.

CAP. X. *Quod multitudo bonorum non est melius uno bonorum.*

In opere vero et intentione nec bonitatum aut bonarum rerum numerus consistere videtur. Cum enim bona intentio, et bona operatio dicitur, hoc est, ex bona intentione procedens, sola bonitas intentionis designatur; nec in eadem significazione nomen boni retinetur, ut plura bona dicere possimus. Nam et cum dicimus simplicem hominem esse, et simplicem dictionem, non ideo hæc esse concedimus plura simplicia, cum hoc nomen *simplex* aliter hic, et aliter ibi sumatur. Nemo ergo nos cogat, ut cum bone intentioni bona operatio additur, (concedamus) bonum hono superaddi tanquam plura sint bona, pro quibus remuneratio crescere debeat; cum, ut dictum est, nec plura bona recte dicere possimus illa, quibus boni vocabulum nequaquam uno modo convenit.

CAP. XI. *Quod intentione bona sit opus bonum.*

Bonum quippe intentionem, hoc est, rectam in se dicimus; operationem vero, non quod boni aliquid in se suscipiat, sed quod ex bona intentione procedat. Unde et ab eodem homine cum in diversis temporibus idem fiat, pro diversitate tamen intentionis ejus operatio modo bona modo mala dicitur, et ita circa bonum et malum variari videotur. Sicut hæc propositio: *Socrates sedet, vel ejus intellectus circa verum et falsum variatur, modo Socrate sedente, modo stante.* Quam quidem permutationem varietatis circa verum et falsum ita in his Aristoteles contingere dicit, non quod ipsa, quæ circa verum, vel falsum mutantur, aliquid suscipiant sui mutatione, sed quod res subjecta, id est Socrates, in se ipso moveatur, de sessione scilicet ad stationem, vel e converso.

CAP. XII. *Unde bona intentio sit dicenda?*

Sunt autem qui bonam vel rectam intentionem esse arbitrantur, quotiescunque se aliquis bene agere credit, et Deo placere id, quod facit; sicut et illi qui martyres persequebantur, de quibus Veritas

in Evangelio : *Venit hora ut omnis qui interficit vos, arbitretur obsequium se praestare Deo (Joan. xvi, 2).* Qualium ignorantiae Apostolus quidem compatiens ait : *Testimonium illis perhibeo, quod emulationem Dei habent, sed non secundum scientiam (Rom. x, 2);* hoc est, magnum servorem habent ac desiderium in his faciendis, quæ Deo placere credunt; sed quia in hoc animi sui zelo vel studio decipiuntur, erronea est eorum intentio, nec simplex est oculus cordis, ut clare videre queat, hoc est, ab errore sibi providere. Diligenter itaque Dominus, cum secundum intentionem rectam vel non rectam opera distingue-ret, oculum mentis, hoc est, intentionem, *simplicem* et quasi a sorde puram, ut clare videre possit, aut e contrario *tenebrosam* vocavit cum diceret : *Si oculus tuus simplex fuerit, totum corpus tuum lucidum erit;* hoc est si intentio recta fuerit, tota massa operum inde provenientium, quæ more corporalium rerum videri possit, erit luce digna, hoc est bona; sic e contrario. Non est itaque intentio bona dicenda, quia bona videtur, sed insuper quia talis est, sicut existimatur; cum videlicet illud, ad quod tendit, si Deo placere credit, in hac insuper existimatione sua nequaquam fallatur. Alioquin ipsi etiam infideles sicut et nos bona opera haberent, cum ipsi etiam non minus quam nos per opera sua se salvari, vel Deo placere credant.

CAP. XIII. Quod peccatum non est nisi contra conscientiam.

Si quis tamen querat utrum illi martyrum vel Christi persecutores in eo peccarent, quod placere Deo credebant; aut illud sine peccato dimittere possent quod nullatenus esse dimittendum censem-bant, profectio secundum hoc, quod superius peccatum esse descripsiunus *contemptum Dei*, vel *consentire in eo, in quod credit consentiendum non esse*, nou possumus dicere eos in hoc peccasse, nec ignorantiam cuiusquam, vel ipsam etiam infidelitatem, cum qua nemo salvari potest, peccatum esse. Qui enim Christum ignorant, et ob hoc fidem Christianam respununt, quia eam Deo contrariam credunt, quem in hoc Dei contemptum habent quod propter Deum faciunt, et ob hoc bene se facere arbitrantur, præsertim cum Apostolus dicat : *Si cor nostrum non reprehenderit nos, fiduciam habemus apud Deum (I Joan. iii, 2)*: tanquam si diceret, ubi contra conscientiam nostram non præsumimus, frustra nos apud Deum de culpa reos statui formidi-damus? Aut si talium ignorantia peccato minime est ascribenda, quomodo ipse Dominus pro crucifigentibus se orat dicens : *Pater, dimitte illis; non enim sciunt quid faciunt (Luc. xxiii, 34)*; vel Stephanus, hoc instructus exemplo, pro lapidantibus supplicans ait : *Domine, ne statuas illis hoc peccatum? (Act. vii, 59.)* Non enim ignoscendum videtur ubi culpa non præcessit, nec aliud solet dici ignosci, nisi poenam condonari quam culpa meruit. Stephanus insuper peccatum patenter appellat, quod de ignorantia erat.

CAP. XIV. Quot modis peccatum dicatur?

Sed ut objectis plenius respondeamus, - sciendum est nomen *peccati* diversis modis accipi; proprie-tamen peccatum dicitur *ipse Dei contemptus*, vel *consensus in malum*, ut supra meminimus. A quo parvuli sunt immunes, et naturaliter stulti : qui, cum merita non habeant tanquam ratione carentes, nihil eis ad peccatum imputatur, et solūmodo per sacramenta salvantur. Dicitur etiam peccatum *hostia pro peccato*, secundum quod Apostolus Dominum Jesum Christum dicit factum esse peccatum. *Pœna etiam peccati* dicitur peccatum sive maledictum, juxta quod dicimus peccatum dimitti, hoc est, pœnam condonari, et Dominum Jesum Christum portasse peccata nostra, hoc est, pœnam peccatorum nostrorum, vel ex eis provenientes sustinuisse. Sed cum parvulos originale peccatum dicimus habere, vel nos omnes secundum Apostolum in Adam peccasse, tale est, ac si diceretur a peccato illius originem nostræ pœnæ vel damnationis sententiam incurrisse. *Opera quoque ipsa peccati*, vel quidquid non recte scimus, aut voluntus, nonnunquam peccata dicimus. Quid est enim aliquem fecisse peccatum, nisi peccati implesse effectum? Nec mirum, cum e converso ipsa peccata vocemus facta iuxta illud Athanasii : *Ei reddituri sunt, iuquit, de factis propriis rationem, et qui bona egerunt, ibunt in vitam æternam; qui vero mala, in ignem æternum.* Quid est enim de factis propriis? an tanquam de his tantum, quæ opere impleverunt, faciendum sit judicium, ut plus accipiat in remunerazione, qui plus habuerit in opere? Vel a damnatione sit immunis, qui in eo, quod intendit, effectu caruit, sicut ipse diabolus, qui, quod præsumpsit affectu, non obtinuit effectu? Absit! De factis itaque propriis dicit de consensu eorum, quæ implere decreverunt, hoc est, de peccatis, quæ apud Dominum pro opere facti deputantur; cum ille scilicet sic puniat illa, sicuti nos opera. Cum autem Stephanus peccatum dicit, quod per ignorantiam in ipsum committebant Judæi pœnam ipsam, quam patiebatur ex peccato primorum parentum, sicut et cæteras provenientes, vel injustam eorum actionem, quam habebant in lapidando, peccatum dixit. Quod quidem rogabat, eis non statui, hoc est, propter hoc eos nec corporaliter puniri. Sæpe etenim Deus aliquos hic corporaliter punit, nulla eorum culpa hoc exigente, nec tamen sine causa, veluti cum justis etiam afflictiones immittit ad aliquam eorum purgationem, vel probacionem: vel aliquos cum affligi permittit, ut postmodum hinc liberentur, et ex collato beneficio glorifietur, sicut in illo cæco actum est, de quo ipse ait : *Neque hic peccavit, neque parentes ejus, ut cæcus nasceretur, sed ut manifestetur opera Dri in illo (Joan. ix, 2).* Quis etiam neget quandoque cum malis parentibus pro culpa eorum innocentes filios periclitari, vel affligi, sicut in Sodomis factum est, vel in multis populis sæpe contingit, ut quo pœna.

magis extenditur, amplius mali terrentur? Quod diligenter beatus Stephanus attendens peccatum, hoc est, poenam, quam tolerabat a Judæis, vel id quod non recte agebant, orabat eis non statui, hoc est, propter hoc nec corporaliter puniri.

In hac quoque sententia Dominus fuerat, cum dicebat: *Pater, dimitte illis* (*Luc. xxiii, 34*), id est, ne vindices id quod agunt in me, vel corporali poena: quod quidem fieri rationaliter posset, si nulla etiam culpa eorum præcessisset, ut cæteri scilicet hoc videntes vel ipsi etiam recognoscerent ex poena se non recte in hoc egisse. At vero Domini num decebat hoc suæ orationis exemplo nos maxime ad patientiæ virtutem et ad summæ dilectionis exhibitionem exhortari, ut quod ipse docuerat verbis nos, videlicet pro inimicis quoque orare, proprio exemplo nobis exhiberet in opere. Quod ergo dixit: *dimitte*, non ad culpam præcedentem, vel contemptum Dei, quem hic haberent, respexit, sed ad rationem inferendæ poenæ, quæ non sine causa, ut diximus, subsequi posset, quamvis culpa non præcessisset; sicut in propheta contigit, qui, contra Samariam missus, comedendo egit, quod Dominus prohibuerat; in quo tamen cum nihil per Dei contemptum præsumeret, sed per alium prophetam deceptus, non tam ex reatu culpæ quam ex operis perpetratione innocentia eius mortem incurrit. *Deus* quippe, ut beatus meminit Gregorius, nonnunquam sententiam mutat, consilium vero nonnunquam; hoc est, quod præcipere vel comminari aliqua de causa decrevit, saepè id non implere disponit. Consilium vero ejus fixum permanet, hoc est, quod in præscientia sua disponit, ut faciat, nonnunquam efficacia caret. Sicut ergo in Abram præceptum de immolatione filii, vel comminationem in Ninivitis factam non tenuit, et sic, ut diximus, sententiam mutavit: ita prædictus propheta, cui prohibuerat comedere in via, mutari ejus sententiam credidit, et se maxime delinquere, si alium prophetam non audiret, qui se ad hoc a Domino imitti asserebat, ut ejus lassitudinem resiceret cibo. Absque culpa igitur hoc fecit, in quo culpam vitare decrevit, nec ei mors repentina nocuit, quem ab æruminis vita præsentis liberavit, et multis ad prævidentiam profuit, cum justum sic videant sine culpa puniri, et illud in eo impleri quod alibi Domino dicitur: *Tu Deus, cum justus sis, juste omnia disponis, cum eum quoque, qui non debet puniri, condemnes* (82). Condemnas, inquit, ad mortem non æternam, sed corporalem. Sicut enim sine meritis nonnulli salvantur, ut parvuli, et sola gratia vitam assequuntur æternam: ita non absurdum est nonnullos penas corporales sustinere, quas non meruerunt, sicut et de parvulis constat sine baptismo gratia defunctis, qui tam corporali, quam æterna morte damnantur, et multi etiam innocentes affliguntur. Quid itaque mirum, si crucilientes

(82) Textus male citatus ab Abælardo. Is, Sap. xii, 15, sic habet: *Cum ergo sis justus, juste omnia*

A Dominum ex illa injusta actione, quamvis eos ignorantia excusat a culpa, poenam, ut diximus temporalem non irrationaliter incurrire possent, atque ideo dictum est: *dimitte illis*, hoc est poenam quam hinc, ut diximus, non irrationaliter incurrire possent, ne inferas?

Sicut autem, quod isti per ignorantiam egerunt, vel ipsa etiam ignorantia peccatum proprie, hoc est, contemptus Dei, non dicitur: ita nec infidelitas, quamvis ipsa necessario æternæ vita aditum adulitis ratione jam utentibus intercludat. Ad damnationem quippe sufficit Evangelio non credere, Christum ignorare, sacramenta Ecclesiæ non suscipere, quamvis hoc non (tam) per malitiam, quam per ignorantiam fiat. De qualibus et Veritas ait:

B *Qui non credit, jam judicatus est* (*Joan. iii, 18*). Et Apostolus: *Et qui ignorat, inquit, ignorabitur* (*I Cor. xiv, 38*). Cum autem dicimus ignoranter nos peccare, hoc est, tale quid, quod non convenit facere, peccare non in contemptu, sed in operatione sumimus. Nam et philosophi peccare dicunt inconvenienter aliquid seu dicere, quamvis illud nihil ad offensam Dei videatur pertinere. Unde Aristoteles in ad aliquid cum de vitiosa relativorum assignatione loqueretur, ait: *At vero aliquoties non videbitur converti, nisi convenienter, ad quod dicitur, assignetur. Si enim peccet is, qui assignat, ut alia si assignetur avis, non convertitur, ut sit avis alia*. Si ergo isto modo peccatum dicamus, omne quod vitiosè agimus, vel contra salutem nostram habemus, utique et infidelitas, et ignorantia eorum, quæ ad salutem credi necesse est, peccata dicemus, quamvis ibi nullus Dei contemptus videatur. Proprie tamen peccatum illud dici arbitror, quod nonnunquam sine culpa contingere potest. Ignorare vero Deum, vel non ei credere, vel opera ipsa, quæ non recte sunt, multis sine culpa possunt accidere. Si quis enim Evangelio vel Christo non credit, quia prædicatio ad ipsum non pervenerit, juxta illud Apostoli: *Quomodo credent ei, quem non audiunt? quomodo autem audient sine prædicante?* (*Rom. x, 14*.) Quæ hinc ei culpa potest assignari, quod non credit? Non credebat Cornelius in Christum, donec Petrus ad eum missus de hoc ipsum instruxit,

D qui quamvis antea lege naturali Deum recognosceret atque diligeret, ex quo meruit de oratione sua exaudiri, et Deo acceptas elemosynas habere, tamen si eum ante fidem Christi de hac luce migrasse contingeret, nequaquam ei vitam promittere auderemus, quantumcunque bona opera ejus videbentur, nec eum fidelibus, sed magis infidelibus conumeraremus, quantumcunque studio salutis esset occupatus. Abyssus quippe multa Dei iudicia sunt, qui nonnunquam reluctant, vel minus de salute sua sollicitos trahit, et se offerentes, vel ad credendum paratiores profundissimo dispensationis sue consilio respuit. Sic enim illum se offendisponis: *ipsum quoque, qui non debet puniri, condemnare exterum aestimas a tua virtute.*

Remtem : *Magister, sequare te quocunque ieris* (Matth. xv, 19), reprobavit. Et alterum excusantem se per sollicitudinem, quam habuit de patre, nec ad horam in hac pietatis excusatione toleravit. Denique et quarundam civitatum obstinationem increpans ait : *Vae tibi, Corozain; vae tibi, Bethsaida, quia ei in Tyro et Sidone virtutes factæ fuisse suissent, quæ factæ sunt in robis, jam olim in cilicio et cinere pænitentiam egissent* (Matth. xi, 21). Ecce illis obtulit non solum prædicationem suam, verum etiam miraculorum exhibitionem, quas tamen prius noverrat non esse credituras. Has vero gentilium alias civitates, quas ad fidem suscipiendam faciles esse non ignorabat, sua tunc visitatione non censuit dignas, in quibus quidem, cum aliqui subtracto sibi prædicationis verbo, tamen ad suscipiendum ipsum parati, perierunt, quis hoc eorum imputet culpæ, quod nulla negligentia videmus accidere? Et tamen hauc eorum infidelitatem, in qua defuncti sunt, ad damnationem sufficere dicimus, quamvis hujus cœcitatatis, in qua Dominus eos dimiserit, causa minus nobis appareat. Quam profecto, si quis peccato eorum sine culpa ascribat, fortassis licet, cum absurdum ei videatur, tales sine peccato damnari?

Nos tamen proprie peccatum, ut sæpe jam minimus, illud solum dici arbitramur, quod in culpa negligentiae consistit, nec in aliquibus esse potest, cujuscunque sint ætatis, quin ex hoc damnari mereantur. Non credere vero Christum, quod infidelitas est, quomodo parvulis, vel his quibus non est annuntiatum, culpæ debeat ascribi, non video, vel quidquid per ignorantiam invincibilem sit, cui vel prævidere non valuimus; veluti si quis forte hominem, quem non videt in silva sagitta interficiat, dum feris vel avibus sagittandis intendit. Quem tamen dum peccare per ignorantiam dicimus, sicut nos quandoque fatemur non solum in consensu, verum etiam in cogitatione peccare, hoc loco non proprie pro culpa ponimus, sed large accipimus, pro eo scilicet, quod nos facere minime convenit, sive id per errorem sive per negligentiam, vel quoconque modo inconvenienti sit. Tale est ergo per ignorantiam peccare, non culpam in hoc habere, sed quod nobis non convenit, facere, vel peccare in cogitatione, hoc est, voluntate, quod nos velle minime convenit, vel in locutione, aut in operatione, loqui nos vel agere, quod non oportet, etsi per ignorantiam nobis invitius illud eveniat. Sic et illos, si persequebantur Christum vel suos, quos persequendos credebant per operationem peccasse dicimus, qui tamen gravius culpam peccassent, si contra conscientiam eis parcerent.

CAP. XV. Utrum omne peccatum sit interdictum?

Quæritur autem utrum omne peccatum Deus nobis interdicat? Quod si recipiamus, videtur hoc irrationaliter agere, cum nequaquam vita

A ista sine peccatis saltem venialibus transigi possit. Si enim omnia nos cavere peccata præcepit, nos autem omnia cavere non possumus, utique nequaquam, sicut ipse promisit jugum suave nobis, vel onus leve imponit, sed quod longe vires transcendens nostras minime portare valemus, sicut et de jugo legis Petrus apostolus protitetur. Quis enim a verbo saltem otioso semper sibi prævidere potest, ut in eo nunquam excedens perfectionem illam teneat, de qua Jacobus ait : *Si quis in verbo non offendit, hic perfectus est vir?* (Jac. iii, 2), qui etiam cum præmisisset : *in multis offendimus omnes*; et alius magnæ dicat perfectioonis apostolus : *Si dixerimus, quia peccatum non habemus, nos ipsos seducimus, et veritas in nobis non est* (I Joan. i, 8), quam difficile, imo impossibile nostræ infirmitati videatur, immunes omnino a peccato manere, neminem latere reor. Ita, inquam, si peccati vocabulum large, ut diximus, accipientes illa etiam vocemus peccata, quæcumque non convenienter facimus. Si autem proprie peccatum intelligentes solum Dei contemptum dicamus peccatum, potest revera sine hoc vita ista transigi, quamvis cum maxima difficultate. Nec profecto illud, ut supra meminimus, nobis a Deo prohibitum est, nisi consensus mali, quo Deum contemnimus, etiam cum de opere præceptio fieri videtur, sicut ut superius exposuimus, ubi etiam ostendimus aliter nequaquam a nobis præcepta posse sua custodiri.

Peccatorum autem alia venialia dicuntur, et quasi levia, alia damnabilia sive gravia. Rursus damnabilium quædam criminalia dicuntur, quæ in illis personam infamem vel criminosa facere habent, si in audientiam veniant, quædam vero minime. Venialia quidem, vel talia peccata sunt, quando in eo consentimus, cui non consentendum esse scimus, sed tunc tamen non occurrit memorie illud quod scimus; multa quippe scimus, etiam dormientes, vel quando eorum non recordamur. Non enim dormiendo nostras amittimus scientias, vel stulti efficiuntur, aut cum vigilamus, sapientes efficiuntur. Quandoque itaque vel in vaniloquium, vel in superfluum esum vel potum consentimus, quod tamen nequaquam esse faciendum scimus; sed tunc minime recordabamur, quod non esset faciendum. Tales itaque consensus, quos per oblivionem incurrimus, venialia aut levia dicuntur peccata, hoc est, non magnæ satisfactionis præna corrigenda, ut vel extra ecclesiam positi, vel gravi abstinentia pressi ob talia plectamur; pro quibus quidem negligentibus pénitentibus dimittendis verba quotidiana confessionis frequenter, in qua minime commemoratione graviorum culparum facienda est, sed tantum leviorum. Neque enim ibi dicere debemus, peccavi in perjurio, in homicidio, in adulterio, et consimilibus, quæ damnabilia, et graviora dicuntur peccata; bæc quippe non per oblivionem, sicut illa incurrimus,

sed tamen ex studio, et deliberatione commitimus, abominabiles etiam Deo effecti juxta illud Psalmistæ : *Abominabiles facti sunt in studiis suis* (*Psalm. xiii., 2*) : quasi execrabilis, et valde odibiles ex his in quibus scienter præsumperunt. Horum autem alia criminalia dicuntur, quæ per effectum cognita nævo magnæ culpæ hominem detrahunt, ut consensus perjurii, homicidii, adulterii, quæ plurimum Ecclesiam scandalizant. Cum vero supra quam necesse est, cibo indulgemus vel non mediocri cultu ex vana gloria nos adornamus, etsi hoc scienter præsumimus, non hæc criminis ascribuntur, et apud multos plus laudis habent, quam vituperationis.

CAP. XVI. *Utrum melius sit a levioribus culvis, quam gravioribus abstinere?*

Sunt, qui perfecti, et ideo melius dicunt prævidere a venialibus peccatis quam a criminalibus, eo quod difficilis id videatur, et majoris studii sollicitudine indigeat. Quibus primum illud respondeo Tullianum: *Quod si laboriosum, non ideo gloriosum.* Alioquin majoris meriti apud Dominum essent, qui grave jugum legis portaverunt, quam qui evangelica libertate deserviunt: quia timor poenam habet, quam perfecta charitas foras mittit, et quicunque timore aguntur, plus opere laborant, quam quos charitas spontaneos facit. Unde laborantes et oneratos ad suave jugum, et onus leve sumendum Dominus exhortatur, ut videlicet de servitute legis, qua premebantur, ad libertatem transeant Evangelii, et qui a timore inceperant, charitate consummentur, quæ sine difficultate omnia suffert, omnia sustinet: nihil quippe amanti difficile, maxime cum non carnalis, sed spiritualis amor Dei tanto est fortior, quanto superior. Quis etiam nesciat difficilis nobis provideri a pulice, quam ab hoste; vel ab offendiculo parvi lapidis, quam magni? Sed nunc quid ideo id cavere quod difficilis est, melius aut salubrius judicamus? Non utique. Quare? quia quod difficilis est, cavere, minus potest nocere. Sic ergo, etsi ponamus difficilis a venialibus peccatis quam a criminalibus providere, plus tamen hoc vitari quam quæ periculosiora sunt, convenit, et quæ majorem merentur poenam, et quibus amplius offendit credimus Deum, et magis ei ea displicere. Quo enim amplius ipsi per amorem inhæremus, eo sollicitius cavere debemus quibus magis offenditur, et quæ ipse magis improbat. Qui enim vere aliquem diligit, non tam damnum suum, quam offensam amici, vel contemptum cavere satagit, juxta illud Apostoli: *Charitas non querit quæ sua sunt* (*I Cor. xiii., 5*); et rursum: *Nemo quod suum est querat, sed quod alterius* (*I Cor. x., 24*). Si ergo, nou tam pro nostro damno quam pro Dei offensa, debemus cavere peccata, profecto plus ea cavenda sunt, in quibus magis offenditur. Quod si illam quoque poetam attendamus sententiam, de morum scilicet honestate :

Oderunt peccare boni virtutis amore,
HOR., Epist. xvi., 57.

A tanto majori odio qualibet sunt habenda, quanto turpiora in se censemur, et ab honestate virtutis amplius recedunt, et naturaliter quoslibet magis offendunt.

Denique, ut singula sibi conferendo diligentius peccata dijudicemus, comparemus venialia criminalibus, utpote superfluam comestationem perjurio et adulterio; et queramus, in transgressione cujus magis peccatur, vel amplius Deus contemnatur atque offendatur. Nescio, fortassis respondebis, cum nonnulli philosophorum omnia peccata paria censerunt. At si hanc philosophiam, imo manifestam stultitiam sequi velis, æque bonum a criminalibus et venialibus abstinere peccatis, quia æque malum est hæc et illa committere: eur ergo abstinere a venialibus præferre quis audeat abstinentiæ criminalium? Quod si quis forte requirat unde conjicerem possumus, Deo magis displicere transgressionem adulterii, quam superfluitatem cibi, lex divina, ut arbitror, docere nos potest, quæ ad illud puniendum nullam poenæ satisfactionem instituit; hæc vero non qualibet poena, sed summa mortis afflictione damnari decrevit. Quo ep̄im charitas proximi, quam Apostolus plenitudinem legis dicit, amplius lœditur, magis contra eam agitur, et amplius peccatur.

Quod si ad hunc modum singulis venialibus patriter et criminalibus peccatis invicem collatis, simul etiam tam ista omnia, quam illa conferre velimus, ut omnino scilicet satisfacere valeamus, nequaquam refugio. Ponamus ergo ut aliquis magno studio ab omnibus venialibus caveat peccatis et nulla criminalia curet vitare, et cum illa omnia caveat, hoc præsumat: quis eum in hoc levius peccare judicabit, aut meliorem esse, si hæc præcavens, illa incurrit? Collatione itaque facta tam singulorum, ut diximus, quam omnium simul invicem peccatorum, liquere arbitror, non melius vel majoris perfectionis esse venialia peccata cavere, quam criminalia. Si quis tamen, cum illa primum vitaverit, hæc postmodum, ut oportet, vitare valuerit, in hoc quidem fateor virtutem ejus ad perfectionem pervenisse; nec tamen ideo posteriora, in quibus consummatio virtutis consistit, sunt prioribus præferenda, nec tanta retributione sunt digna. Sæpe namque in operatione alicujus ædificij minus agunt, qui perficiunt ipsum quam qui antea operati sunt, et qui extremo assere in consummatione operis posito ipsum perficiunt, ut sic domus perfecta fiat, quæ dum imperfecta fuit domus, opus non erat.

Sufficere hucusque arbitror nos ad cognitionem peccati, quantum memorie occurrit, laborasse, ut eo melius caveri possit, quo diligentius cognitum fuerit. Malis quippe notitia justo deesse non potest, nec cavere quis vitium nisi cognitum valet.

CAP. XVII. *De peccatorum reconciliatione.*

Et quoniam plagam animæ monstravimus, curationis remedium studeamus ostendere; unde i-

Iud Hieronymi : *O medice, si peritus es, sicut possisti causam morbi, ita indica sanitatis!* Cum igitur peccando Deum offendimus, superest quibus ei modis reconciliari possimus. Tria itaque sunt in reconciliatione peccatoris ad Deum, pœnitentia scilicet, confessio, satisfactio.

CAP. XVIII. *Quid proprie dicatur pœnitentia?*

Pœnitentia autem proprie dicitur : *Dolor animi super ea, in quo deliquit, cum aliquem scilicet piget in aliquo excessisse* (*Sup. v, 2, 3*). Hæc autem pœnitentia tum ex amore Dei accedit, et fructuosa est; tum damno aliquo, quo nollemus gravari, qualis est illa damnatorum pœnitentia, de quibus scriptum est : *Videntes turbabuntur terrore horribili, et mirabuntur in subitatione insperatae salutis, dicentes intra se, et pœnitentiam agentes, et præ angustia spiritus gementes; hi sunt quos aliquando habuimus in deriso* (*Matth. xxvii, 3*), etc. Legimus et pœnitentiam Judæ super hoc quod Dominum tradiderat; quod non tam pro culpa peccati quam pro vilitate sui, qui se omnium judicio damnatum sentiebat credimus accidisse. Cum enim quis alium pecunia, vel quo modo corruptum ad perditionem traxerit, nemini vilior, quam ei proditor habetur, et nemo ei minus se credit, quam is qui infidelitatem ejus amplius expertus est. Multos quippe quotidie de hac vita recessuros de flagitiis perpetratis pœniteri videmus, et gravi compunctione ingemiscere non tam amore Dei, quem offenderunt, vel odio peccati quod commiserunt, quam timore poenæ in quam se precipitari verentur. Qui in eo quoque iniqui permanent, quod non tam eis iniquitas displicet culpe, quam, quæ justa est, gravitas pœnæ; nec tantum odio habent id quod commiserunt, quia malum fuit, quam justum Dei judicium, quod in poena formidant, æquitatem potius quam iniquitatem odientes. Quos diu obsecratos, atque vocatos ut a malitia sua converterentur, ita tandem in reprobum sensum divina justitia tradit, et cæcitate pereussos a facie sua prorsus abjicit, ut ne salubris pœnitentia notitiam habeant, nec qualiter satisfaciendum sit advertere queant.

Quam plurimos quippe quotidie cernimus mortientes graviter ingemiscere, multum se accusare super usuris, rapinis, oppressionibus pauperum, vel in quibuscumque injuriis, quas commiserunt, et pro emendatione istorum sacerdotem consulere. Quibus si hoc, ut oportet, primum consilium detur, ut venditis omnibus quæ habent, restituant aliis quæ abstulerunt, juxta illud Augustini : *Si res aliena cum reddi possit, non redditur, non agitur pœnitentia, sed fingitur; statim quam inanis eorum sit pœnitentia, responsione sua proflentur.* Unde ergo, inquiunt, dominus mea viveret? quid filii meis, quid uxori relinqucre? Unde se sustentare possent? Quibus illa primum Dominica occurrit increpatio : *Stulte, hac nocte animum tuam repetunt a te, quæ autem parasti cuius erunt?* (*Luc. xii, 20.*) Omnis, quicunque talis es, in misericordia omnium

A misserrime, et stultorum stultissime, non provides quid tibi conserves, sed quid alii thesaurizes? Quia presumptione Deum offendis, ad cuius horrendum judgmentum raperis, ut tuos habeas propitios, quos ditas de pauperum rapinis? Quis super te non rideat, si audierit te sperare alios magis tibi propitios fore quam te ipsum? Confidis in eleemosynis tuorum, quos quia successores habere te credis, iniquitatis pariter hæredes constituis, quibus aliena per rapinam possienda relinquis. Vitam pauperibus eripis sua illis auferendo, unde sunt sustentandi, et in eis rursum occidere Christum machinaris, juxta illud quod ipsemet ait : *Quod uni ex minimis meis fecisti, mihi fecisti* (*Matth. xxv, 40*). Quid ergo tu male pius in tuos, et crudelis in te pariter atque Deum a judice justo exspectas, ad quem velis, nolis, judicandus properas, qui non solum de rapinis, sed etiam de otioso verbo rationem exigit? Qui quam districtus sit in vindicta, priorum hominum statim exhibuit poena. Semel Adam peccavit, et comparatione nostrorum, sicut beatus meminit Hieronymus, levissimum ejus peccatum fuit. Non quemquam per violentiam oppressit, nec quidquam alicui abstulit; de fructu, qui reparabilis erat, semel gustavit. In qua quidem tam levi transgressione, in posteritate quoque totam per pœnam redundata, præmonstrare Dominus decrevit, quid de majoribus facturus sit culpis. Dives, quem ad inferos Dominus descendisse dicit, non quod aliena rapuerit, sed quia propria, quibus tanquam licitis vescebatur, indigenti Lazaro non impertivit, patenter edocet, qua pœna feriendi sunt, qui rapiunt aliena, si sic ille damnatus est atque in inferno sepultus, qui non tribuerit bona sua. Tecum memoria tui sepulta, et cito siecatis lacrymis eorum, quos in exequiis habuisti, juxta rhetoris Apollonii : *lacryma citius nihil arescit, tua conjux in proximo ad novas nuptias se præparavit, ut novi mariti voluptatibus deseruiret, de his quas ei dimisisti rapinis, et præsente adhuc corpore tuo lectulum calefaciet alieno, te misero in flammis gehennæ voluptates istas plexuro. Iam et a filiis tuis exspectandum est.*

Quod si quis forte interroget cur non tui recordantes eleemosynis suis tibi propitientur, multis se de causa excusare posse videntur. Quia enim, si respondeant : Cum ille sibi propitiis esse noluerit, quanta stultitia fuit sibi alios sperare propitios, et animæ suæ salutem aliis committere, de qua ipse debuit plurimum providere : quem sibi propitium magis credidit quam se ipsum? Qui sibi crudelis erat, de cuius misericordia confidebat? Possunt denique et in excusationem avaritiae suæ pretendere ac dicere : scimus insuper ea, quæ ipse nobis dereliquit, non hujusmodi esse, ut de ipsis nobis sint eleemosynæ faciendæ. Ridebunt omnes, et ridere debent, qui hæc audient. Ille vero miser, qui expoliatos pauperes ad horam flere coegit, in perpetuum ibi flabit. Sunt qui suam negligentiam hæcipibus non Deo volentes occultare, ad excusandas excusa-

tiones in peccatis dicunt, tot eos esse quos exposuerunt, ut omnino cognoscere vel reperire nequeant; de quo, cum nullam sollicitudinem assument, illud Apostolicae sententiæ judicium incurruunt: *Et qui ignorat ignorabitur* (*I Cor. xiv, 38*). Non inveniunt illos, quia non querunt; inveniet illos dextera Dei, quem contempserunt. De qua etiam scriptum est: *Dextera tua inveniet omnes qui te oderunt* (*Psal. xx, 9*). Quam idem Prophetæ, qui hoc dixit, vehementer expavescens, et locum nullum evadendi considerans alibi ait: *Quo ibo a spiritu tuo, et quo a facie tua fugiam?* Si ascendero in cælum, tu illic es, si descendero in infernum, ades (*Psal. cxxxviii, 5*). Et quia plerumque non minor [cod. si minor] est avaritia sacerdotis quam populi iuxta illud prophetæ: *Et eris sicut sacerdotes, sic populus* (*Ose. iv, 9*), multos morientium seducet cupiditas sacerdotum vanam eis securitatem promittentium, si quæ habent, sacrificiis obtulerint, et missas emant, quas nequaquam gratis haberent. In quo quidem mercimonio præfixum apud eos pretium constat esse, pro una scilicet missa unum denarium; et pro uno annuali quadraginta. Non consulunt morientibus ut rapinas restituant, sed ut in sacrificio ipsas offerant; cum e contrario scriptum sit: *Qui offert sacrificium de substantia pauperis, quasi qui victimæ filium in conspectu patris* (*Ecli. xxxiv, 24*): plus enim gravat patrem occisio filii coram se facta, quam si non videret eam; et quasi filius immolatione occiditur, dum substantia pauperis, in qua vita ejus consistebat, in sacrificio ponitur. Et veritas sacrificio misericordiam præferrens, euntes, inquit, *discite quid est, misericordiam volo, et non sacrificium* (*Matth. ix, 13*). Pejus autem est rapinas retinere, quam misericordiam non impendere, hoc est, pauperibus auferre sua quam non impendere nostra, sicut et supra in damnatione divitis meminimus.

CAP. XIX. *De fructuosa pœnitentia.*

Et quia de infructuosa diximus pœnitentia, tanto diligentius quanto salubrius fructuosam considemus. Ad quam Apostolus quemlibet invitans obstinatum, nec horrendum Dei judicium attendentem, ait: *An divitias bonitatis ejus et patientiæ, et longanimitatis contemnis? Ignoras quoniam benignitas Dei ad pœnitentiam te adducit?* (*Rom. ii, 4*.) Quibus videlicet verbis quæ sit pœnitentia salubris, et ex amore Dei potius quam ex timore proveniens, manifeste declarat, ut videlicet doleamus Deum offendisse vel contempsisse, quia est bonus, magis quam quia justus est. Quo enim diutius cum contemnimus, quia statim eum contemptum suum judicare non credimus, sicut e contrario principes sæculi faciunt, qui cum offenduntur, nesciunt parcere, nec suarum injuriarum ultiōne differre, eo justius gravorem infert sui contemptus pœnam; et tanto strictior est in ultiōne, quanto patientior fuit in expectatione. Quod subsequenter prædictus Apostolus ostendit dicens: *Secundum duritiam autem*

A *tuam et cor impænitens, thesaurizas tibi trām in diabolū* (*ibid., 5*); tunc quidem iræ, modo mansuetudinis, quia tunc vindictæ, modo patientiæ. Ibi justitia exigente tanto gravius sui contemptum ulciscetur, quanto minus contemni debuit, et diutius toleravit. Timemus homines offendere, et quorum offensam timore non effugimus, verecundia vitamus. Latebras querimus, cum fornicamur, ne ab hominibus videamur, nec unius hominis aspectum tunc sustinere possumus. Scimus Deum præsentem esse, quem nihil potest latere; videri ab ipso et tota curia cœli in hujus actione turpitudinis non erubescimus, qui ad unius homunculi aspectum confunderemur. Ante judicem terrenum præsumere aliquid maxime timemus, a quo nos judicandos scimus temporali tantum pena, non æterna. Multa nos facere vel tollere carnalis affectus cogit, pauca spiritualis. Utinam tanta propter Deum, cui omnia debemus, quanta propter uxorem vel filios, vel quancunque meretricem facimus vel toleramus!

B Qua, obsecro, pœna hæc injuria est judicanda ut meretricem quoque ipsi præponamus? Conqueritur ipse per prophetam quod nec ei amor tanquam Patris, nec timor exhibeat tanquam Domino: *Filius, inquit, honorat patrem, et servus dominum suum timet; si ego Pater, ubi honor meus? Et si ego Dominus, ubi timor meus?* (*Malach. i, 6*.) Conqueritur sibi patrem vel dominum præferri. Attende igitur, quantum indignetur, meretricem quoque sibi anteferri, et de summa suæ bonitatis patientia, unde plus debuit amari, magis contemni. Quam quidem bonitatem, et patientiæ longanimitatem hi qui salubriter pœnitent attendentes, non tam timore pœnarum quam ipsius amore, ad compunctionem moverunt, juxta prædictam Apostoli exhortationem ubi salubrem pœnitentiam diligenter descripti; cum e contrario dixit: *an divitias bonitatis ejus, hoc est divitem et copiosam bonitatem, sive abundantem benignitatem longanimis patientiæ, qua tam diu te tolerat, contemnis, quia videlicet non cito punit; ignorans, hoc est non attendens, quoniam tanta ejus benignitas ad pœnitentiam, quantum in se est, te adducit;* hoc est facit cur eam attendendo ad pœnitentiam deberes converti, quod tam benignum contempsisti? Et hæc quidem revera fructuosa est pœnitentiæ peccati, cum hic dolor, atque contritio animi ex amore Dei, quem tam benignum attendimus, potius quam ex timore pœnarum procedit.

Cum hoc autem gemitu et contritione cordis, quam veram pœnitentiam dicimus, peccatum non permanet, hoc est contemptus Dei, sive consensus in malum, quia charitas Dei hunc gemitum inspirans, non patitur culpam. In hoc statim gemitu Deo reconciliamur, et precedentis peccati veniam assequimur, juxta illud prophetæ: *Quacunque hora peccator ingemuerit, salvis erit* (*Ezech. xxxiii, 14*); hoc est, salute animæ suæ dignus efficietur. Non ait: quo anno, vel quo mense, sive qua hebdomada, vel quia die, sed *qua hora*; ut sine dilatatione venia dignum

ostendat; nec ei pœnam æternam deberi, in qua consistit condemnatio peccati. Etsi enim articulo necessitatis præventus non habeat locum veniendi ad confessionem, vel peragendi satisfactionem, nequaquam in hoc gemitu de hac vita recedens gehennam incurrit; quod est condonari a Deo peccatum, hoc est, eum talem fieri, quam jam non sit dignum sicut animam propter illud quod præcessit peccatum, æternaliter a Deo puniri. Non enim Deus cum peccatum pœnitentibus condonat, omnem pœnam eis ignoscit, sed solummodo æternam. Multi namque pœnitentes, qui præventi morte, satisfactionem pœnitentia in hac vita non egerunt, pœnis purgatoriis, non damnatoriis in futura reservantur. Unde suprema judicij dies, qua repente multi fidelium puniendi sunt, quanto spacio temporis extendatur, incertum est; quamvis resurrectio in momento, in ictu oculi fiat (*I Cor. xv.*, 52); ut videlicet ibi de culpis satisfaciant, quantum Deus decreverit, de quibus satisfacere distulerint, aut permissi non sunt.

CAP. XX. Utrum quis de uno peccato sine altero pœnitere possit.

Sunt qui querunt, utrum quis de uno peccato pœnitere possit, et non de alio, utpote de homicidio, et non de fornicatione, quam adhuc perpetrare non desistit? Sed si fructuosam illam pœnitentiam intelligamus, quam Dei amor immisit, et quam Gregorius describens ait: *Pœnitentia est commissa defere, et flenda non committere, nequaquam pœnitentia dici potest, ad quam nos amor Dei compellit, quoties unus contemptus retinetur.* Si enim amor Dei, sicut oportet, ad hoc me inducit, atque animum trahit, ut de hoc consensu doleam propter hoc tantum quia in eo Deum offendam, non video qualiter idem amor de illo contemptu eadem de causa pœnitere non cogat; hoc est, in eo proposito mentem meam statuat, ut quis excessus meus memorie occurrerit, de ipso similiter doleam, et ad satisfaciendum paratus sim. Ubicunque igitur vera est pœnitentia, ex amore scilicet Dei solo proveniens, nullus Dei contemptus remanet, maxime cum Veritas dicat: *Si quis diligat me, sermonem meum servabit, et Pater meus diligit eum, et ad eum veniemus, et mansionem apud eum faciemus* (*Joan. xiv.*, 23). Quicunque ergo in amore Dei persistunt, calvari necesse est: quæ salvatio nequaquam continget uno peccato, id est uno Dei contemptu revertendo. Cum autem in pœnitente jam nullum Deus reperit peccatum, nullam ibi invenit damnationis causam; et ideo necesse est ut, peccato cessante, non restet damnatio, hoc est, perennis pœna afflictio; et hoc est peccatum, quod præcessit, a Deo condonari a pena æterna, quam inde meruerat ei, ut diximus, a Deo provideri. Quamvis enim Deus jam non inveniat in pœnitente, quod perenniter debeat punire, pœnam tamen præcedentis peccati dicitur condonare, cum per hoc, quod gemitum ei pœnitentia inspiraverit, eum indulgentia dignum fecit; hoc est, talem, cui nulla tunc debeatur pœna æ-

A tera, et quem in hoc statu de hac vita recedentem salvari necesse est. Quod si forte et in eumdem recidat contemptum, sicut redit ad peccatum, ita etiam relabitur ad pœnæ debitum, ut rursum puniri debeat, qui prius pœnitendo non puniri meruerat.

Si quis forte dicat: Peccatum a Deo condonari, tale esse tanquam si diceretur: Deum, propter illud quod commissum est, nequaquam hominem esse damnaturum; vel hoc: Deum apud se statuisse ut eum propter hoc non damnaret: profecto et antequam poenitens peccasset, concedendum videtur Deum condonasse illud peccatum; hoc est apud se statuisse, quod propter illud non esset eum damnaturus: nihil quippe recenter apud se

B Deus statuit, vel disponit, sed ab æterno quæcumque facturus est, in ejus prædestinatione consistunt et in ejus providentia prædicta sunt, tam de condonatione cujuscunque peccati, quam de cæteris quæ sunt. Melius itaque nobis esse videtur ita intelligendum Deum condonare peccatum, quemlibet, ut diximus, per inspiratum ei pœnitentia gemitum dignum indulgentia efficere; hoc est, talem, cui tunc damnatio non debeatur, nec unquam ulterius, si in tali proposito perseveret. Peccatum itaque Deus condonat, cum ipse, a quo pœna fieri debuit, faciat, pœnitentiam inspirando, cur jam non debeat inferri.

CAP. XXI. Injustum non esse, dignum præmio non donari

C Sed fortassis requiris, si is qui pœnitet, jam dignus sit vita æterna, qui damnatione dignus non est? Quod si concedamus, objicitur nobis, eum quoque, qui post pœnitentiam lapsus periit, dum pœnitenter, dignum vita æterna fuisse; et Deum arguendum injuriae esse videri, qui præmium, quo ille tunc dignus erat, ei tunc saltem non reddidit, ut sic ejus damnationem preveniret. Sicut enim si tunc moreretur, ex illo, in quo tunc erat, proposito, dignus vita æterna salvaretur: ita et si postea lapsus sit, ex eodem animo quem prius habuit, dignus salvari fuit. Sed dico quia sicut multi saepè damnatione digni sunt, nec tamen in hac sua nequitia moriuntur, ut damnatio quam meruerant eis D a Deo reddatur; nec tamen ideo Deus injustus est arguendus, quia non reddidit eis pœnam quam meruerant: ita nec in præmiis reddendis, quæ perseverantibus tantum promittuntur, Veritate attestante: *Qui perseveraverit usque in finem, hio salvis erit* (*Math. x.*, 22). Non ergo concedere cogimur, ut quia quandoque pœna vel præmio quis dignus fuerit, ideo dignum vel justum sit, Deum illud ei conferre, cum alio modo melius utendum eo esse providerit, quia etiam malis bene utitur, et quæque peccata optime disponit. Quod si forte quis dicat, eum, qui ad horam Deum amando, vere pœnituit, sed tamen in hac pœnitentia vel amore non perseveraverit, non ideo suisse præmio dignum vitæ: profecto cum nec tunc damnatione

Jignus fuisse conceditur, nec justus, nec peccator A lummodo eos dieimus nec poenitentia actus asse-cuturos esse.

CAP. XXII. *De peccato irremissibili.*

Cum autem, ut diximus, omne peccatum per poenitentiam statim remissionem accipiat, quæritur, cur Veritas quoddam peccatum irremissibile dixerit, vel nunquam ipsum remissionem, hoc est, condonationem, habiturum; quale est illud peccatum blasphemiae in Spiritum sanctum, de quo eum dixisse Matthæus sic refert: *Omne peccatum et blasphemia remittetur hominibus, Spiritus autem blasphemia non remittetur* (*Luc. xii, 31*); et: *Quicunque dixerit verbum contra Filium hominis, remittetur ei; qui autem dixerit contra Spiritum sanctum, non remittetur ei neque in hoc saeculo, neque in futuro?* (*ibid., 32; xii, 10.*) Quod quare diceret, Marcus aperuit dicens: *Quoniam dicebant: Spiritum immundum habet* (*Marc. iii, 30*). Hoc autem peccatum quidam desperationem veniae dicunt; cum quis videlicet ob magnitudinem peccatorum diffidit penitus a bonitate Dei, quæ per Spiritum sanctum intelligitur, ut nec poenitendo, vel aliqua satisfactione veniam possit impetrare. Sed si hoc dicimus peccare vel blasphemare in Spiritum, quid dicemus peccare in Filium hominis? Quantum vero mihi videtur, peccare vel blasphemare in Filium hominis hoc loco dicitur excellentiæ humanae Christi derogare, tanquam eam negaremus sine peccato conceptam, vel a Deo assumptam propter visibilem carnis infirmitatem. Id quippe nulla humana ratione compri poterat, sed Deo tantum revelanti credi. Tale est ergo quod ait: *Omne peccatum et blasphemia remittetur hominibus; Spiritus autem blasphemia non remittetur*, tanquam si diceret: De nulla alia blasphemia diffinitum est apud Deum, quod nullis hominibus dimittatur, nisi de ista; et quicunque dixerit verbum contra Filium hominis remittetur ei, hoc est, nullus qui assumpti hominis dignitati, ut diximus, deroget, propter hoc damnabitur, si aliae non interveniant damnationis causæ. Non enim in hoc aliquis contemptu Dei notari potest, si veritatem per errorem contradicat, nec contra conscientiam agat, maxime cum id tale sit, quod humana ratione investigari non possit, sed magis rationi videatur contrarium. Blasphemare autem in Spiritum est ita opera manifestæ gratiæ Dei calumniari, ut illa, quæ credebant per Spiritum sanctum, hoc est, divina bonitate misericorditer fieri, per diabolum tamen assererent agi, tanquam si dicerent illum, quem Spiritum Dei credebant, esse spiritum nequam, et sic Deum esse diabolum.

Quicunque igitur sic in Christum peccaverunt, dicendo scilicet contra conscientiam eum in Beelzebub principe dæmoniorum ejicere dæmonia, ita prorsus a regno Dei sunt proscripti, et ab ejus gratia penitus exclusi, ut nullus illorum deinceps per poenitentiam mercretur indulgentiam. Nec quidem nequam eos salvati posse si vœniterent, sed so-

B Cap. XXIII. *Utrum poenitentes gemitum sui doloris hinc secum deferant?*

Quærerit fortassis aliquis, utrum hi, qui de hac vita poenitentes recedunt in hoc gemitu cordis et contritione doloris, ubi verum Deo sacrificium offertur juxta illud: *Sacrificium Deo spiritus contributatus* (*Psal. 1*), utrum, inquam, tales de hac hunc migrantes hunc gemitum et dolorem secum deferant; ut in vita quoque illa cœlesti hæc se commisso doleant, quo, ut scriptum est, *ausugit dolor et gemitus* (*Isa. xxxv, 10*), atque tristitia. Sed profecto sicut Deo vel angelis peccata nostra sine aliqua poena doloris displicent, eo videlicet quod illa non approbant, que mala considerant; ita et tunc nobis illa displicebunt, in quibus delinquimus. Sed utrum nos illa fecisse velimus, quæ bene ordinata esse a Deo scimus, et nobis quoque in bonum cooperata, juxta illud Apostoli: *Scimus quoniam diligentibus Deum omnia cooperantur in bonum* (*Rom. viii, 28*), alia est quæstio, quam pro viribus nostris tertio *Theologiae* nostro libro absolviimus.

CAP. XXIV. *De confessione.*

Nunc de confessione peccatorum nobis agere incumbit. Ad hanc nos apostolus Jacobus adhortans ait: *Confitemini alterutrum peccata vestra, et orate pro invicem ut salvemini; multum enim valet deprecatione justi assidua* (*Jac. v, 16*). Sunt qui soli Deo confitendum arbitrantur, quod nonnulli Græcis imponunt. Sed quid apud Deum confessio valeat, qui omnia novit; aut quam indulgentiam lingua nobis impetrat, non video, licet Propheta dicat: *Delictum meum cognitum tibi soci, et iniquitatem meam non abscondi?* (*Psal. xxxi, 5*.) Multis de causis fideles invicem peccata confitentur juxta illud Apostoli, quod præmissum est; tum videlicet propter suppositam causam, ut orationibus eorum magis adjuvemur, quibus consolemur; tum etiam quia in humilitate confessionis magna pars agitur satisfactionis, et in relaxatione poenitentiae majorem assequimur indulgentiam: sicut de David scriptum est; qui cum accusatus a Nathan propheta responderit: *peccavi* (*II Reg. xii, 13*); statim ab eodem propheta

D responsum audivit: *Dominus quoque transtulit peccatum tuum* (*ibid.*): quo enim major erat regis sublimitas, acceptior Deo fuit confidens humilitas. Denique sacerdotes quibus animæ confitentium sunt commissæ, satisfactiones poenitentiae illis habent injungere; ut qui male arbitrio suo et superbo usi sunt Deum contemnendo, alienæ potestatis arbitrio corrigantur; et tanto securius id agant, quanto melius prælatis suis obediendo non tam suam, quam illorum voluntatem sequuntur. Qui si fortassis non recte præceperint, cum ille ad obediendum paratus sit, illis magis quam istis impunitandum est. *Non ignoramus, inquit Apostolus, astutias Satanæ* (*II Cor. ii, 11*). Nec ejus nequitia hoc loco prætreunda est qua nos ad peccatum in-

p illi, et a confessione retrahit. Ad peccatum quippe nos incitans timore pariter ac verecundia nos exuit, ut nihil jam restet, quod nos a peccato revocet. Multa namque timore penae committere non audemus; multa pro detimento nostræ famæ aggredi erubescimus, etsi hoc impune possemus. His ergo duobus quasi retinaculis male quilibet expeditus præceps ad quodvis perpetrandum peccatum efficitur. Quo quidem pacto eadem, quæ prius ei abstulit ut peccatum perficeret, postmodum reddit ut a confessione revocet. Tunc confiteri timet vel erubescit, quod, cum oportuerit primum, non timuit nec erubuit. Timet ne forte per confessionem cognitus puniatur ab hominibus, qui puniri non timuit, a Deo: erubescit ab hominibus sciri, quod non erubuit coram Deo committi. Sed qui plagæ querit mendicamentum, quantumcumque ipsa sordeat, quantumcumque oleat, medico revelanda est ut competens adhibeat curatio. Medici vero locum sacerdos tenet, a quo, ut diximus, instituenda est satisfactio.

CAP. XXV. *Quod nonnunquam confessio dimitti potest.*

Sciendum tamen nonnunquam salubri dispensatione confessionem vitari posse, sicut de Petro credimus, cuius lacrymas denegatione sua novimus, satisfactionem vero aliam, vel confessionem non legimus. Unde et Ambrosius super Lucam de hac ipsa Petri negatione ac fletu ejus: *Non invenio, inquit, quid dixerit, invenio quod fleverit, lacrymas ejus lego, satisfactionem non lego.* Levant lacrymæ delictum quod voce pudor est confiteri, et venie flentis consulunt, et verecundiæ; lacrymæ sine horrore culpam loquuntur, sine offensione verecundiæ confitentur; lacrymæ veniam non postulant, sed mereantur. Invenio cur tacuerit Petrus, ne scilicet tam cito venie petitio plus offendere. Quæ vero ista sit verecundia vel reverentia confessionis ut flendo magis quam confitendo Petrus satisfecerit, videndum est. Si enim propter hoc unum confiteri verecundabitur, ne, cognito peccato suo vilior, haberetur, profecto superbis erat, et honoris sui gloriæ magis quam animæ suæ saluti consulens. Sin autem verecundia non tam sua, quam Ecclesiæ retinebatur, non est hoc improbandum. Providebat se fortassis super Dominicam plebem a Domino constituendum esse principem, et verebatur ne si hoc trina ejus negotio per confessionem ejus cito in publicum prodiret, super hoc Ecclesia graviter scandalizaretur; et erubescientia vehementi confunderetur, quod tam facilem ad negandum, et tam pusillanimem Dominus ei præfecisset. Si ergo tam pro honore sibi conservando, quam pro hac animi erubescientia Ecclesiæ confiteri distulit, provide hoc, non superbe fecit. Timor quoque in causa rationabilis fuit de damno Ecclesiæ magis, quam de propriæ detimento famæ. Sciebat quippe sibi specialiter a Domino Ecclesiam esse commissam cum ei diceret: *Et tu aliquando conversus confirma fratres tuos* (Luc. xxii,

A 32). Si ergo eo propria confessione convictio ad œures Ecclesiæ præveniret hic ejus tam abhorrendus lapsus, quis non leviter diceret: *nolumus hunc regnare super nos* (Luc. xix, 14); et non facile Dominicanum improbare consilium, quod ad confirmandos fratres eum elegit, qui primus defecit? Hac quoque providentia multi confessionem differre, vel omnino dimittere possent sine peccato; si videlicet plus illam nocere quam prodesse crederent, quia nullam Dei offensam ex culpa incurrimus, in quo eum nequaquam contemnimus. Distulit Petrus confiteri peccatum, cum adhuc tenera in fide, atque infirma esset Ecclesia, donec virtus Petri prædicatione ipsius vel miraculis esset probata. Postea vero cum de hoc jam constaret, ipsem Petrus sine ullo Ecclesiæ scandalo contra desperationem lapsorum confiteri hoc potuit, ut scriptum etiam relinquetur ab evangelistis.

Sunt fortassis, quibus videatur Petrum, qui ceteris omnibus præterat, nec superiore habebat, cui anima ejus esset commissa, nequaquam haberet necessarium homini confiteri peccatum, tanquam ab illo instituenda esset ei satisfactio, ac si præcepto ejus quasi superioris obediret. Sed si non pro satisfactione injungenda confiteri alicui debuerit, propter orationis suffragium non incongruenter potuit; de quo quidem cum diceretur: *Confessio alterutrum peccata vestra, subjunctum est; et orate pro invicem ut salvemini* (Jac. v, 16). Nihil etiam impedit ne prælati eligant subjectos ad confessionem faciendam, vel ad satisfactionem suscipiendam, ut quod agitur, tanto Deo fiat acceptius, quanto ab illo geritur humilius. Quis etiam vetet quemlibet in talibus personam religiosorem, vel magis discretam eligere, cuius arbitrio satisfactionem suam committat, et orationibus ejus plurimum adjuvetur? Unde et cum præmissum: *et orate pro invicem ut salvemini*, statim adjunctum est: *multum enim valet deprecatio justi assidua.* Sicut enim multi sunt imperiti medici, quibus infirmos committi periculosest aut inutile: ita et in prælatis Ecclesiæ multi reperiuntur, nec religiosi, nec discreti, atque insuper ad detegendum confitentium peccata leves, ut confiteri eis non solum inutile, verum etiam perniciosum videatur. Tales quippe nec orare intendunt, nec in orationibus suis exaudiri merentur; et cum instituta canonum ignorant, nec in statuendis satisfactionibus moderari scient, frequenter in talibus vanam securitatem promittunt, et spe cassa ipsos confitentes decipiunt, juxta illud Veritatis: *Cœci sunt duces cœcorum;* et rursum: *Si cœcus cœco ducatum præstet, ambo in foream cadunt* (Matth. xv, 14). Qui cum etiam ut diximus, leviter confessiones quas suscipiunt, revelant, poenitentes ad indignationem commovent, et qui curare peccata debuerant, novas peccatorum plagas inferunt, et a confessione audientes deterrent.

Nonnunquam etiam peccata vel ex ira, vel ex levitate revlando graviter Ecclesiam scandalizant,

et eos, qui confessi sunt, in pericula magna consti-
tuunt. Unde qui pro his incommoditatibus præ-
latos suos vitare decreverunt, et alios in talibus
eligere, quos ad ista commodiores credant, nequa-
quam sunt improbandi, sed potius comprobandi
quod ad solertiorem medicum declinant; in quo
tamen faciendo, si assensum prælatorum impe-
trare possunt, ut ab eis ad alios dirigantur, tanto
id convenientius agunt, quanto humilius per obe-
dientiam hoc faciunt. Sin autem prælati superbi
hoc eis interdicunt tanquam se viliores aestimando,
si meliores medici requirantur, ægrotus tamen de
salute sua sollicitus, quod melius credit medica-
mentum, majori sollicitudine requirat, et meliori
consilio cedat plurimum. Nemo enim ducem sibi
ab aliquo commissum, si eum cæcum deprehendere-
rit, in foveam sequi debet; et melius est eligere
eum videntem, ut quo tendit, perveniat, quam
male sibi traditum male sequi ad precipitum.
Quippe qui ei talem ducem tradidit tanquam
viam ostensurum, aut scienter hoc fecit per mali-
tiā, aut innocenter per ignorantiam? Si per malitiā,
cavendum fuit, ne malitia ejus impleretur;
si per ignorantiam, nequaquam contra ejus vo-
luntatem agitur, si illum non sequimur ad pericu-
lum, quem ipse dederat nobis ad ducatum. Utile
tamen est, ut eos primum consulamus, quibus ani-
mas nostras committi scimus, et eorum consilio
audito salubrius, si quod speramus, medicamen-
tum non deserere; maxime cum eos legem igno-
rare credamus, et non solum quid agant, (non)
curent, sed quid doleant ignorantē; deteriores ha-
bendi his, de quibus Veritas ait: *Super cathedram
Moysi sederunt Scribæ et Phariae: quæcumque
ergo dixerint vobis, servate et facite; secundum au-
tem opera eorum nolite facere (Matth. xxiiii, 2).* Tan-
quam si diceret: magisterium legis tales obtinent,
quorum opera cum sint mala, et ob hoc respon-
enda, verba tamen Dei, quæ de cathedra Moysi,
hoc est de magisterio legis, proferunt, susci-
pienda sunt, ut simul quæ ipsorum sunt opera
rejiciamus, et quæ Dei sunt verba, retineam-
us.

Non est ergo talium doctrina contemnenda qui
hene prædican, licet male vivant, et qui erudiunt
verbo, licet non ædificent exemplo; et viam ostendunt
quam sequi nolunt, non tam de cæcitate
ignorantia, quam de culpa negligentia judicando.
Qui vero nec viam subjectis ostendere valent, qui
ducati eorum committere se debent, et ab eis re-
quirere documentum, qui docere nesciunt. Nec
tamen desperandum est subjectis a misericordia
Dei, cum ad satisfactionem omnino parati præ-
latorum suorum, quamvis cæcorum, arbitrio se
tradunt, et quod illi per errorem minus instituunt,
isti per obedientiam diligenter eos sequuntur. Non
enim error prælatorum subjectos damnat, nec il-
lorum vitium istos accusat; nec jam in subjectis
culpa remanet qua moriantur, quos jam antea pœ-

A nitentia Deo, ut diximus, reconciliaverat, prius sci-
licet quam ad confessionem venirent vel satisfac-
tionis institutionem susciperent. Si quid tamen de
pœna satisfactionis minus est institutum quam
oporteat, Deus, qui nullum peccatum impunitum
dimittit, et singula quantum debet puniit, pro quanti-
tate peccati satisfactionis æquitatem servabit; ip-
sos videlicet pœnitentes nouæ æternis suppliciis re-
servandos, sed in hac vita, vel in futura pœnis pur-
gatoriis affligendo. Si nos, inquam, in nostra satis-
factione negligentes fuerimus. Unde Apostolus: *Si
nos, inquit, dijudicaremus, non utique dijudicare-
mur (I Cor. xi, 31);* quod est dicere: Si nos ipsi
nostra puniremus, vel corrigeremus peccata, ne-
quaquam ab ipso gravius essent punienda. Magna
profecto misericordia Dei, cum nos nostro judicio
dimittit, ne ipse puniat graviori. Has autem pœnas
vitæ presentis, quibus de peccatis satisfacimus,
jejunando, vel orando, vigilando, vel quibuscumque
modis carnem macerando, vel quæ nobis subtrahim-
mus, egenis impendendo, satisfactionem vocamus;
quas alio nomine in Evangelio *fructus pœnitentiaæ*
novimus appellari, ubi videlicet ait: *Facite fru-
ctus dignos pœnitentiaæ (Matth. iii, 8);* ac si aperte
diceretur: digna satisfactione quod deliquistis,
emendando ita hic reconciliamini Deo, ut deinceps
quod ipse puniat nequaquam inveniat; et gravio-
res pœnas mitioribus prævenite. Ut enim beatus
asserit Augustinus: *Pœnae vitæ futuræ, etsi pur-
gatoriæ sint, graviores sunt istis omnibus vitæ præ-
sentis.* Magna itaque cautela est eis adhibenda, et
magna opera danda, ut secundum instituta san-
ctorum Patrum talis hæc satisfactio suscipiatur,
ut nihil ibi purgandum restet. Cum ergo indiscreti
fuerint sacerdotes, qui bæc instituta canonum
ignorant, ut minus de satisfactione quam oportet,
injungant, magnum hinc incommode pœnitentes
incurrunt, cum male de ipsis confisi gravioribus
pœnis postmodum plectentur, unde hic per leviores
satisfacere potuerunt.

Sunt nonnulli sacerdotum non tam per erro-
rem, quam cupiditatem subjectos decipientes, ut
pro nummorum oblatione satisfactionis injunctæ
pœnas condonent vel relaxent; non tam attenden-
tes quid velit Dominus, quam quid valeat num-
mus, de quibus ipse Dominus per prophetam con-
querens ait: *Sacerdotes mei non dixerunt: Ubi est
Dominus? (Jer. ii 6.)* Tanquam si diceret: Sed
ubi est nummus? Nec solum sacerdotes, verum
etiam ipsos principes sacerdotum, hoc est episco-
pos ita impudenter in hanc cupiditatem exarde-
scere novimus; ut cum in dedicationibus ecclesi-
iarum, vel in consecrationibus altarium, vel
benedictionibus coemeteriorum, vel in aliquibus
solemnitatibus populares habent conventus, unde
copiosam oblationem exspectant, in relaxandis pœ-
nitentiis prodigi sunt; modo terjam, modo quar-
tam pœnitentiæ partem omnibus communice indulgentes
sub qualam scilicet specie charitatis; sed in

veritate summæ cupiditatis. Qui de sua se ja-
ctantes potestate, quam, ut aiunt, in Petro, vel apo-
stolis suscepérunt, cum eis a Domino diceretur :
*Quorum remiseritis peccata, remittentur eis ; vel,
quæcunque soleritis super terram, erunt soluta et
in cælis* (Joan. xx, 23), tunc maxime quod suum est
agere gloriantur, cum hanc benignitatem subje-
ctis impendunt. Atque utinam id saltem pro ip-
sis, non pro nummis facerent, ut qualiscunq; benignitas potius quam cupiditas videretur. Sed
profecto si hoc in laude benignitatis habendum est, quod tertiam vel quartam pœnitentia partem
relaxant, multo amplius eorum pietas prædicanda
erit, si dimidiā vel totam ex integro pœnitentia
dimitterent, sicut licet sibi profertur, et
[a] Domino concessum esse, et quasi in manibus
eorum cœlos esse positos secundum remissionis
vel absolutionis peccatorum supra posita testimo-
nia. Magnæ denique impietatis e contrario argu-
endi videntur, cur non omnes subjectos ab omnibus
absolvant peccatis, ut videlicet neminem il-
lorum damnari permittant ; si ita, inquam, in eo-
rum potestate constitutum est, quæ voluerint pec-
catis dimittere vel retinere, vel cœlos his, quibus
decreverint aperire vel claudere ; quod utique
beatissimi prædicandi essent, si hos sibi, cum vel-
lent, aperire possent. Quod quidem si non pos-
sunt, vel nesciunt, certe illud poeticum, in quan-
tum arbitror, incurrit

Nec prosunt domino, quæ prosunt omnibus, artes. C

Appelat quislibet, non ego, potestatem illam,
qua potius aliis quam sibi proficere possit, tanquam
in potestate sua habeat alienas animas salvare magis
quam propriam ; cum e contrario quislibet discretus
sentiat.

CAP. XXVI. Utrum generaliter ad omnes pertineat prælatos solvere et ligare ?

Cum ergo queritur, quæ sit illa potestas, vel claves regni cœlorum, quas apostolis Dominus tradi-
dit, ac similiter eorum vicariis, scilicet episcopis, conces-
sisse legitur, non parva quæstio videtur. Cum enim multi sint episcopi nec religionem, nec discre-
tionem habentes, quamvis episcopalem habeant po-
testatem ; quomodo eis æque ut apostolis convenire
sicutem : *Quorum remiseritis peccata, remittentur eis, et quorum retinueritis, retenta sunt?* Nunquid
si indiscrete vel supra modum velit episcopus pœ-
nam peccati augere vel relaxare, hoc in ejus est po-
testate ; ut videlicet secundum ejus arbitrium penas
Deus disponat, ut quod minus puniendum est, ipse
magis puniat, e converso, cum æquitatem rei magis
quam hominum voluntatem Deus attendere de-
beat ? Nunquid si episcopus per iram, vel odio
quod habeat in aliquem, tantumdem eum pœnitere
decreverit de levioribus peccatis, quantum de gra-
vioribus ; vel poenam ejus in perpetuum extendere,
vel nunquam ei relaxare statuerit, quantumcunq;

A ille pœnitentia, nunquid hanc ejus sententiam Domi-
nus confirmabit ? Quod itaque Dominus apostolis
ait : *Quorum remiseritis peccata, remittuntur eis, etc.,*
ad personas (83) eorum, non generaliter ad omnes
episcopos referendum videtur, sicut et quod eis
alibi ait : *Vos estis lux mundi ; et vos estis sal terra* (Matth. v, 18), vel pleraque alia de personis eorum
specialiter accipienda. Non enim hanc discretionem
vel sanctitatem, quam apostolis Dominus dedit,
successoribus eorum æqualiter concessit ; nec om-
nibus æque dixit : *Beati oculi qui vident quæ vos
videtis* (Luc. x, 23) ; et rursum : *Vos autem dixi ami-
cos, quia omnia quæcunque audiri a Patre meo, nota
feci robis* (Joan. xv, 15) ; et iterum : *Cum autem ve-
nerit ille Spiritus veritatis, docebit vos omnem veri-
tatem* (Joan. xvi, 13).

B Quod si forte quis de Juda objiciat, qui etiam
cum hæc dicerentur unus ex apostolis erat, sciat
Dominum non ignorasse, ad quos, id quod dicebat,
deberet intendere ; sicut et cum ait : *Pater, ignosce
his, quia nesciunt, quid faciunt* (Luc. xxiii, 34) ;
nou de omnibus consequentibus eum hæc ejus oratio
accipienda censetur. Cum enim dicitur, *His*, vel
Vos, quæ demonstrativa pronomina sunt, pro inten-
tione loquentis sermo dirigitur, vel ad omnes
pariter qui adsunt, vel ad aliquos ex illis, quos de-
creverit, sicut et hæc quæ prædicta sunt, non ad
omnes generaliter apostolos, sed ad solos electores
ferenda sunt. Sic et fortassis sentiendum videtur de
illo, quod ait : *Quæcunque ligaveris super terram,
erunt ligata et in cælis* (Matth. xvi, 19) ; in quo con-
similis esse putatur sententia, quod diligenter beatus
attendens Hieronymus cum ad hæc verba in Matthæo
exponenda venisset, ubi Dominus Petro ait : *Quod-
cunque ligaveris super terram, istum, inquit, locum
episcopi et presbyteri non intelligentes aliquid sibi
de Pharisæorum assumunt supercilios* ; ut vel dam-
nent innocentes, vel solvere se noxios arbitrentur :
cum apud Deum non sententia sacerdotum, sed reorum
vita queratur. Legimus in Levitico de leprosis, ubi
jubentur ut ostendant se sacerdotibus ; et si lepram
habuerint, tunc a sacerdote immundi fiant ; non quod
sacerdotes mundos faciant, vel immunos, sed quod
habeant notitiam de leprosis et non leprosis, et possint
discernere, quis immundus vel mundus sit. Quomodo
ergo ibi leprosum sacerdos immundum facit : sic et
hic alligat vel solvit episcopus vel presbyter non eos,
qui sonentes sunt vel innoxii, sed pro officio suo cum
peccatorum audierit varietates, scit qui ligandus, vel
qui solvendus sit. Ex his, ni fallor, verbis Hieronymi
liquidum est illud, quod Petro vel cæteris similiter
apostolis dictum est de ligandis vel solvendis pec-
catorum vinculis, magis de personis eorum, quam
generaliter de omnibus episcopis accipendum esse ;
nisi forte juxta hoc quod ipse ait Hieronymus, hanc
ligationem vel absolutionem intelligamus prædictum
judicium omnibus generaliter concessum ; ut vide-

licet qui ligandi vel absolvendi sint a Deo, ipsi habent judicare, et inter mundum et immundum discernere. Hinc et illud Origenis super eumdem locum in Matthæo electos episcopos, qui hanc gratiam meruerint, quæ Petro concessa est, a cæteris ita distinguuntis: *Quæcunque ligaveris super terram, quoniam, inquit, qui episcopatus vindicant locum, utuntur hoc textu quemadmodum Petrus, et claves regni cælorum acceptas a Christo docent, qui ab eis ligati fuerint, in cælo ligatos esse, et qui ab eis soluti fuerint, id est remissionem acceperint, esse et in cælo solutos: dicendum est quia bene dicunt; si opera habent illa, propter quæ dictum est illud Petro: Tu es Petrus; et tales sunt, ut super eos ædificetur Ecclesia Christi, si portæ inferorum non prævalent eis.* Alioquin ridiculum est, ut dicamus enim qui vinculis peccatorum suorum ligatus est, et trahit peccata sua sicut funem longum, et tanquam juge lorum vitulæ iniquitates suas, propter hoc solum quoniam dicitur episcopus, habere hujusmodi potestatem, ut soluti ab eo super terram, sint soluti in cælo; aut ligati in terris, sint ligati in cælo. Sit ergo episcopus irreprehensibilis, qui alterum ligat aut solvit, aut dignus ligare vel solvere in cælo, sit unius uxoris vir, sobrius, castus, ornatus, hospitalis, docibilis, non rivoletus, non percussor; sed modestus, non litigiosus, non concupitor pecuniarum, bene præsidiens domui suæ, filios habens subditos cum omni castitate. Si talis fuerit, non inuste ligabit super terram, et nequesine judicio solvet: propterea quæcunque solverit qui ejusmodi est, soluta erunt et in cælo; et quæcunque ligaverit super terram, ligata erunt et in cælo: si enim fuerit quis, ut ita dicam, Petrus, et non habuerit, quæ in hoc loco dicuntur quasi ad Petrum, et putaverit se posse ligare ut sint ligati in cælo; et solvere ut sint soluta in cælo, ipse se fallit non intelligens voluntatem Scripturæ, et infatus incidit in judicium diaconi.

Patenter itaque Origenes ostendit, sicut et manifesta ratio habet, quod in his quæ diximus, Petro concessum est, nequaquam omnibus episcopis a Domino collatum esse; sed his solis, qui Petrum non ex sublimitate cathedræ, sed meritorum imitantur dignitate. Non enim suam voluntatem sequentes, et a voluntate Dei se avertentes contra divinæ rectitudinis justitiam quidquam possunt; nec cum inique aliquid agunt, ad iniquitatem Deum inclinare possunt, ut eum quasi similem sui efficiant. Quales quidem ipse vehementer arguens, et graviter eis communans ait: *Existimasti inique quod ero tui similis, arguam te, et statuam contra faciem tuam: intelligite hæc qui obliviscimini Deum, etc.* (*Psal. XLIX, 21.*) Quis enim magis Deum oblivious, et in reprobum sensum dari dicendus est, quam qui hanc sibi arrogat potestatem, ut in subiectis pro arbitrio suo ligandis atque solvendis divinam sibi subiacere sententiam dicat; ut quod etiam inuste præsumperit, summam Dei justitiam pervertere queat: quasi reos, vel innocentes facere pos-

A sit quos voluerit. Quod ne unquam præsumant, magnus ille doctor Ecclesiæ Augustinus, et inter ipsos episcopos præclarus occurrit sexto decimo sermone de verbis Domini dicens: *Cæpisti habere fratrem tuum tanquam publicanum; ligas eum in terra; sed ut juste alliges vide: nam injusta vincula disrumpit justitia.* Beatus quoque Gregorius patenter asserit, et dominicis convincit exemplis, nihil ecclesiasticam potestatem in ligando vel solvendo posse, si deviet ab æquitate justitiae, et non divino concordet judicio. Unde illud est quod ait in Evangeliorum homilia vicesima quinta: *Plerumque contingit, ut locum judicis teneat, cuius ad locum vita minime concordat; ac sæpe agitur, ut vel damnet immitteros, vel alios ipse ligatus solvat. Sæpe in sol-*

B vendis vel ligandis subditis suæ voluntatis motus, non autem causarum merita sequitur; unde fit ut ipsa ligandi et solvendi potestate se privet, qui hanc pro suis voluntatibus, et non pro subditorum moribus exercet. Sæpe fit ut erga quemlibet proximum odio vel gratia moveatur pastor. *Judicare autem digne de subditis nequeunt, qui in subditorum causis sua relalia vel gratiam sequuntur: unde per prophetam: Mortificabant animas quæ non moriuntur, et vivificabant animas quæ non vivunt. Non morientem quippe mortificat, qui justum damnat; et non victurum vivificare nilitur, qui reum a supplicio absolvere conatur: causæ ergo pensandæ sunt, ac tunc ligandi atque solvendi potestus exercenda est; videndum quæ culpa, aut quæ sit pœnitentia secuta post culpam: ut suos Omnipotens per compunctionis gratiam visitat, illos pastoris sententia absolvat. Tunc enim vera est absolutionis præsidentis, cum tantum sequitur arbitrium iudicis. Quod bene quatriduani mortui resuscitatio illa significat; quæ videlicet demonstrat, quia prius Dominus mortuum vocavit, et vivificat dicens: Lazare, veni foras; et postmodum is, qui vivus egressus fuerat a discipulis est solutus. Item: Ecce illum discipuli jam solvunt, quem Magister suscitaverat mortuum; si enim mortuum Lazarum discipuli solverent, factorem magis ostenderent quam virtutem. Ex qua consideratione nobis intuendum est, quod illos debemus per pastoralem auctoritatem solvere, quos auctorem nostrum cognoscimus per resuscitationis gratiam vivificare: quæ nimur vivificatio ante operationem rectitudinis in ipsa jam cognovimus confessione peccatorum: unde et ipsi mortuo nequaquam dicitur: Revivisce, sed, Veni foras; ac si aperte cuilibet mortuo in culpa diceretur: Foras jam per confessionem egredere, qui apud te interius per negligentiam lates. Veniat itaque foras, id est, culpam confiteatur peccator; venientem vero foras solvant discipuli, ut pastores Ecclesiæ ei pœnam relaxent, qui non erubuit confiteri quod fecit. Item: Sed utrum juste allget pastor, pastoris tamen sententia gregi timenda est, ne is, qui subest, et cum inuste forsan ligatur, ipsam obligationis sententiam ex alia culpa mereatur. Item: Qui sub manu pastoris est, timeat ligari vel juste vel inuste; nec pastoris sui iudicium temere re-*

prehendat, ne, etsi *injuste ligatus est, ex ipsa timidæ reprehensionis superbia culpa, quæ non erat, fiat.*

Ex his Gregorii dictis et divina auctoritatis exemplis liquidum est nihil episcoporum sententiam valere, si ab æquitate discrepat divina, juxta illud propheticum mortificare vel vivificare volentes quos non possunt. Qui episcoporum quoque sententia

A ab ipsorum communione privantur, cum subjectos *injuste a communione sua privare præsumperint.* Unde Africanum concilium ccx : *Ut non temere quemquam communione privet episcopus; et quandiu excommunicato sius non communicaret episcopus, eidem episcopo ab aliis non communicetur episcopis; ut magis episcopus caveat, ne dicat in quemquam, quod aliis documentis convincere non potest.*

HELOISSÆ PARACLITENSIS DIACONISSÆ PROBLEMATA CUM PETRI ABÆLARDI SOLUTIONIBUS.

EPISTOLA HELOISSÆ AD PETRUM ABÆLARDUM.

Beatus Hieronymus sanctæ Marcellæ studium, quo tota fervebat circa quæstiones sacrarum litterarum maxime commendans ac vehementer approbans, quantis eam super hoc præconiis laudum extulerit, vestra melius prudentia quam mea simplicitas novit. De qua, cum in Epistolam Pauli ad Galatas Commentarios scriberet, ita in primo meminit libro (84) : « Scio quidem ardorem ejus, scio fidem, quam flammam habeat in pectore, superare sexum, oblivisci homines, et divinorum voluminum tympano concurrepare, Rubrum hoc sæculi pelagus transfretare. Certe cum Romæ essem, nunquam tam festina me vidit, ut de Scripturis aliquid interrogaret. Neque vero, more Pythagorico, quidquid responderem rectum putabat, nec sine ratione præjudicata apud eam valebat auctoritas; sed examinabat omnia, et sagaci mente universa pensabat, ut me sentirem non tam discipulam habere quam iudicem. » Ex quo utique studio instantum eam profecisse noverat, ut ipsam exæteris eodem studio descendendi serventibus magistrum præponeret. Unde et ad Principiam virginem scribens, inter cætera sic meminit documenta (85) : « Habes ibi in studio Scripturarum et in sanctimonia mentis et corporis Marcellam et Asellam; quarum altera te per prata virentia et varios divinorum voluminum flores ducat ad eum, qui dicit in Cantico : *Ego flos campi, et lilium convallium* (Cant. II, 1). Altera ipsa flos Domini tecum mereatur audire : *Ut lilem in medio spinarum, sic proxima mea in medio filiarum* (ibid., 2). »

Quorsum autem ista, dilecte multis, sed dilectissime nobis? Non sunt hæc documenta, sed monita, ut ex his quid debeat recorderis, et debitum solvere

(84) Patrol. tom. XXVI, col. 307.

B non pigreris. Ancillas Christi, ac spiritales filias tuas in oratorio proprio congregasti, ac divino mancipasti obsequio; divinis nos intendere verbis, ac sacris lectionibus operam dare, plurimum semper exhortari consuevisti. Quibus saepius instantum Scripturæ sacræ doctrinam commendasti, ut eam animæ speculum dicens, quo decor ejus vel deformitas cognoscatur, nullam Christi sponsam, hoc carere speculo permittebas, si ei cui se devoverit placere studuerit. Addebas insuper ad exhortationem nostram ipsam Scripturæ lectionem non intellectam esse quasi speculum oculis non videntis appositum. Quibus quidem monitis tam ego quam sorores nostræ plurimum incitatae; tuam in hoc quoque quoad possumus impletentes obedientiam, dum huic operam studio damus, eo videlicet amore litterarum correptæ, de quo prædictus doctor quodam loco meminit : « Ama scientiam Scripturarum, et carnis vitia non amabis, » multis quæstionibus perturbatæ, pigriores efficiuntur in lectione, et quod in sacris verbis magis ignoramus, minus diligere cogimur, dum infructuosum laborem sentimus, cui operam damus. Proinde quæstiunculas quasdam discipulæ doctori, filiae Patri destinantes, suppliando rogamus, rogando supplicamus, quatenus his solvendis intendere non dedigneris, cuius horatu, imo et jussu hoc præcipue studium aggressæ sumus. In quibus profecto quæstionibus, nequam ordinem Scriptaræ tenentes, prout quotidie nobis occurrant, eas ponimus et solvendas dirigimus.

PROBLEMA HELOISSÆ I.

Quid est quod Dominus in Evangelio Joannis de Spiritu quem missurus erat promittit, dicens : *Et*

(85) Patrol. tom. XXXI, col. 624.